





諸證提綱卷之四目錄

吞酸第三十三

附吐酸吐清水  
吐涎沫

加減二陳湯

藿香安胃散

蒼連丸

蒼朮丸

茯苓散

半夏乾姜散

加味平胃散

五味蒼朮散

麴朮丸

清鬱二陳湯

平和丸

嘈雜第三十四

越翹丸


香連丸

三補丸

三聖丸

噯氣第三十五

附惡心





勺氣丸

三消第三十六

加味人參湯白虎湯

加味錢氏散白朮散

清心蓮子飲

門冬飲子

忍冬藤丸

黃耆六一湯

三黃丸

瀉黃散

消渴痞丸

當歸潤燥湯

白朮芍藥湯

蘭香飲子

黃連豬脂丸

鉄粉丸

單苦練湯

加味腎氣丸

先坎離丸

玄兔丸

鹿兔丸

天王補心丸

威喜丸

繭絲丸

十全大補湯

參苓白朮散

易老門冬飲子

連粉膏

甘露湯

括婁湯

人參白朮散

絳雪散

人參散

其厥証  
傑不同

玉泉散

雄鷄湯

玉泉丸

千里漿

水葫蘆

麥門冬湯

冬瓜飲子

胡粉丸

痰證第三十七

附梅  
核氣

清氣化痰丸

大金花丸

王隱君滾痰丸

三生飲

龍虎丹

小省風湯

搜風化痰丸

四神丹

竹瀝膏

溫中化痰丸

半硫丸

千緡湯



半夏丸

神木丸

丹溪中和丸

清膈蒼莎丸

青礞石丸

導痰湯

二陳湯法加減

抑上丸

丹溪潤下丸

小調中丸

香附瓜婁青黛丸

橘半枳木丸

黃白丸

節齋化痰丸

清金丸

貝母丸

霞天膏

四七湯

三仙丸

千金指迷丸

順氣導痰湯

清熱導痰湯

黑錫丹

蘇子降氣湯

硫汞丹

二一腎氣丸

丁香半夏丸

竹瀝達痰丸

丹溪小胃丹

丹溪隊二痰丸

丹溪苦參湯

丹溪利膈化痰丸

東垣黃芩利膈丸

東垣皂角化痰丸

東垣人參清鎮丸

東垣小黃丸

加減退痰湯

白朮丸

加味四七湯

三因七氣湯

加味二陳湯

行氣散

吐痰法第三十八

二神散

三仙散

四靈散

五玄散

取痰散

五飲第三十九

苓桂朮甘湯

白朮丸

枳朴大黃湯

澤瀉湯

海藏五飲湯

開結枳朮丸



葶棗散

半夏溫肺湯

哮喘證第四十

紫金丹

法製鷄子

定喘湯

黃芩利膈丸

清金丸

兜鈴丸

貓頭散

哮喘三方

喘證第四十一

小青龍湯

法加減

葶瀝散

白前湯

分氣紫蘇飲

四磨湯

香附南星丸

二母散

大蘿皂丸

小蘿皂丸

定息餅子

含奇丸

定喘化痰丸

參蘇溫肺湯

越婢加半夏湯

返陰丹

紅綠散

蘇沉九寶湯

人參潤肺湯

神秘湯

人參理肺散

紫參散

桑蟲沙丸

參桃丸

定喘湯

蟲證第四十二

安蟲散

化蟲丸

消蟲丸

茱萸根湯

千金散

五鳳丸

去疔蟲方

檳榔丸

蕪荑散

桃仁湯

黃連犀角湯

雄黃蛻散

前胡湯

五膈下氣丸

寸白蟲三方



積聚第四十三

大七氣湯

烏白丸

退黃丸

通玄二八丹

硝石丸

纂積丸

生漆膏

妙應丸

肥氣丸

伏梁丸

痞氣丸

息賁丸

奔豚丸

增損五積丸

加減法

散聚湯

香稜丸

大阿魏丸

海石丸

青皮湯

消積正元散

紅丸子

小阿魏丸

石鱗丸

白芥丸

醋鱉丸

加減痞氣丸

加減息賁丸

和胃湯

神功助化散

聖散子

與瘴氣條不同

丹溪二妙丸

黃連

東垣廣茂丸

瀆

半夏厚朴湯

礪砂煎丸

茶癖三方

攻堅敗毒膏

三聖膏

三白膏

丹溪貼積聚一方

治痞塊四方



諸證提綱卷之四目錄終

諸證提綱卷之四

秀水陳文治輯  
關中秦應禎校

吞酸第三十三

附吐酸吐清水吐涎沫

吞酸者乃胃中痰飲津液鬱久成熱滯而不行其味乃酸咯不得出吞不得下故曰吞酸內經曰諸嘔吐酸皆屬於熱然痰飲津液非寒不凝故東垣獨以為寒其熱者殆寒之變也後之擬寒熱者因內經而遂指東垣為偏殊不知東垣言寒者乃病之因內經言熱者乃病之體觀丹溪處方以黃連吳茱萸各炒迭為監制蒼朮茯苓為佐使未嘗



專泥於熱專泥於寒故黃連吳茱萸之迭用非黃連無以去熱非蒼木茯苓無以行濕非吳茱萸又不能以去病本之寒則其屬熱屬寒之意可見矣要之脾胃喜溫而惡寒溫則運行寒則凝滯則濕鬱成熱熱久則酸此理之易見者東垣之言豈孟浪哉再考原病式論酸者肝木之味也由火盛制金不能平木則肝木自甚故為酸也如飲食熱則易於酸矣或言吐酸為寒者誤也劉河間之說尚如是所以後人之惑愈滋或曰肝熱則口酸與吞酸之義自是不同則東垣之謂寒河間之謂熱抑各有所主歟若吐出水如醋者則謂之吐酸宜加減二陳湯藿香安胃散蒼連

丸蒼朮丸嘔吐清水者亦用蒼朮丸茯苓飲治之嘔吐涎沫者半夏乾姜散主之吐涎沫而頭疼者吳茱萸湯主之吐蟲者黑錫炒成灰楨榔末米飲調下

加減二陳湯 治痰飲為患嘔吐頭眩心悸或因食生冷硬物脾胃不和時吐酸水

半夏

陳皮

各二錢五分

白茯苓

一錢五分

甘草

七分五厘

丁香

五分

右姜水煎服

藿香安胃散 治脾胃虛弱飲食入胃嘔吐作酸不行腐化



陳皮 八分

藿香

丁香

人參 各四分

右姜水煎服

蒼連丸 治鬱積吐酸

蒼朮 米泔浸炒

吳茱萸 炒冬月倍用

半夏 姜汁製

白茯苓

陳皮 各一兩

黃連 一兩五錢 夏月倍用

右為末蒸餅為丸梧子大每服六十九丸食後姜湯下

蒼朮丸 治吐酸水或清水

蒼朮一斤去黑皮為末用白芝蔴五錢水研濾取汁又

用大棗五十枚煮爛去皮核同芝蔴汁研成稀膏入蒼

朮末杵勻丸梧桐子大每日溫湯吞五十九丸加至一百

丸若覺膈上燥者服山梔散一服忌桃李雀鴿

茯苓散 治胸中停積宿水自吐出水心胸氣滿不能食

白茯苓

人參

白朮 各一錢五分

枳實 一錢

陳皮 一錢五分

生姜 二錢

右水煎連進三服

半夏乾姜散 治嘔吐涎沫

半夏

乾姜 各等分

右水煎頓服

吳茱萸湯 方見中寒條

者登是岡 卷之四 春後



加味平胃散 治吞酸因食鬱所致

平胃散

神麴炒

麥芽炒

右姜棗水煎

五味蒼朮散 治吞酸吐清水

蒼朮 陳壁土炒

白茯苓

滑石炒

白朮

陳皮 各等分

右水煎

麴朮丸 治中脘宿食留飲酸者心痛吐清水

神麴 炒三兩

蒼朮 米泔浸一兩

砂仁

橘紅 各一兩

右為細末另用神麴以生姜汁煮糊丸梧子大每服七

十九姜湯下

蕩鬱二陳湯 治吞酸刺心及嘈雜

陳皮

半夏

白茯苓

香附

黃連炒

梔子炒各一錢

蒼朮

川芎

枳實炒各八分

白芍藥七分

神麴炒五分

甘草三分

右姜水煎服或為丸亦可

平和丸 鬱火傷脾中氣不運胃中伏火鬱積生痰嘔吐

吞酸嘈雜悶脹此藥化痰消滯清火抑肝



白朮 土炒四兩

香附米 童便浸三日炒

橘紅 各三兩

小川芎

枳實 炒

黃連 姜汁炒

神麴 炒

山查肉 各二兩

半夏 姜汁炒一兩五錢

山梔 姜汁炒

萊菔子 炒

白茯苓

乾生姜 各一兩

麥芽 炒十錢

青皮 香油炒六錢

砂仁 炒

甘草 炙各四錢

木香 三錢

右為末竹瀝調神麴為糊丸棗豆大食後每服百丸白

湯下日進一服

新增

加味開鬱除濕湯 治胸膈作酸嘈雜嘔吐

陳皮 一錢

茯苓 一錢

貝母 去心一錢

黃連 用吳茱萸汁拌炒七分

藿香 五分

半夏 八分

桔梗 七分

枳殼 炒四分

香附子 炒七分

芍藥 炒八分

括蕪 八分

甘草 三分

白朮 一錢

厚朴 七分

黃芩 八分

生姜引



嘈雜第三十四

嘈雜者似饑非饑似痛非痛或加噯氣惡心忽之不治漸至胃脘作痛嘔吐翻胃皆其基也丹溪曰嘈雜是痰因火動治火爲先宜姜汁炒黃連入痰藥仍用炒山梔黃芩爲君南星半夏陳皮爲佐熱則多加青黛火動其痰者二陳湯加姜炒芩連山梔撫芎蒼朮食鬱者枳朮丸加山查麥芽有熱加山梔子姜炒黃連停飲者麴朮丸胸滿者大安丸保和丸憂鬱者越鞠丸香連丸濕痰氣鬱不喜食者三補丸加蒼朮倍香附欲食者三聖丸五更嘈者係思慮所傷宜四物湯加香附貝母山梔黃連甘草然世人每以此



為不急之病乃積久證變而藥之則既晚矣故慎疾者必謹於微焉

越鞠丸

蒼朮

神麴

川芎

山梔

香附 各等分

右為末水丸菉豆大每服七十九溫湯下

香連丸 治久鬱心胸痞痛或嘈雜乾噎吞酸

香附

黃連 各四兩

右為末神麴糊丸梧子大每服七十九白湯下

三補丸 治三焦火

黃芩

黃柏

黃連 等分

右為細末新汲水丸服

三聖丸 治心嘈索食此方甚効

白朮 一兩

陳皮 一兩

黃連 五錢

右為末神麴糊丸菉豆大每服五十九津液或姜湯下

二陳湯

方見痰証條

枳朮丸

大安丸

保安丸

方俱見內傷條

麴朮丸

方有二此見吞酸條

四物湯

方見中風條

新增

加味順氣開鬱湯 治噯氣作酸惡心漸至胃脘作痛嘔

吐翻胃皆由作也



陳皮 一錢

南星 八分

紫蘇 一錢

青黛 八分

桔梗 一錢

枳實 炒四分

黃連 炒一錢

山梔子 炒八分

香附子 炒一錢

白朮 一錢

括蕒仁 一錢

葶藶 炒八分

神麴 炒七分

川芎 七分

芍藥 炒八分

甘草 三分

半夏 八分

青木香 火炮七分

生姜引

噯氣第三十五

附惡心

人之胃氣和平飲食順下雖飽而不噯若胃中有鬱火膈  
 上有稠痰食罷轉噯或有腐氣或物亦噯出此因傷食而  
 濕熱鬱滯所致宜二陳湯加蒼朮神麴麥芽姜炒黃連或  
 用保和丸其有不因飲食時常作噯此轉食更甚者謂之  
 虛噯乃胃有濁氣膈上有濕痰宜以沉香為君厚朴蘇子  
 為臣吳茱萸為使入于六君子湯中煎服久則勻氣丸或  
 蘇合香丸甚者以靈砂鎮壓之若本無痰病之人見飲食  
 而惡心者宜以二陳湯加白豆蔻香附砂仁為主不渴者  
 屬胸中虛與寒也寒用理中湯加陳皮半夏生姜虛用六



君子湯加砂仁挾火加姜汁炒黃連若加煩渴乃胃中痰  
與火也痰盛者大小半夏湯火盛者二陳湯加姜汁炒黃  
連

勻氣丸 治氣濁生痰多噎

草豆蔻

陳皮

沉香

人參 各五錢

益智仁

檀香

大腹子 各一兩

右為末飯丸梧子大每服八十九淡姜湯下

二陳湯 方見痰証條

保和丸 方見內傷條

六君子湯 方見中風條

大半夏湯 方見嘔吐條

理中湯 方見中寒條

小半夏湯 方見飢逆條

蘇合香丸 方見氣滯條

新增

加味降氣湯 治噎氣上行嘈雜痞滿煩燥刺痛

陳皮 一錢

蘇子 炒搗碎一錢

青木香 八分

茯苓 一錢

貝母

半夏

黃連 生薑汁炒各八分

白朮 一錢

山梔子 炒一錢

黃芩 一錢

厚朴 六分

枳殼 炒四分

桔梗 一錢

甘草 三分

香附子 炒一錢

大麥芽 炒七分

神麴 炒五分

生薑引



三消第三十六

附強中

陰陽別論云二陽結謂之消東垣曰二陽者陽明也手陽明

大腸主津液若消則目黃口乾乃津液不足也足陽明胃

主血若熱則消穀善饑血中伏火乃血不足也結者津液

不足結而不潤皆燥熱為病也劉河間曰三消之疾本濕

寒之陰氣極衰燥熱之陽氣太甚因乎酒食服餌失節腸

胃乾涸而氣液不得其平或耗亂精神過違其度或因大

病後陰氣損而血液衰虛陽氣悍而燥熱鬱甚或因久嗜

鹹物恣食炙燂飲食過度或服金石丸散積久濕熱結於

下焦血氣不能制濕熱故燥甚于腎濁而引飲當分三焦



高消

而治凡熱在上焦屬乎心肺名曰高消內經曰心移熱於肺傳為膈消者是也其證煩燥舌裂唇紅少食引飲大便如常小便稍利而數治宜流濕以潤其燥用四物湯合生脉散加天花粉地黄汁藕汁乳汁善飲酒者加葛根汁能食者實熱也加人參白虎湯不能食者虛熱也錢氏白朮散倍加乾葛主之或清心蓮子飲膈滿者謂之膈消宜門冬飲子若火邪太甚留於肉分變為癰腫其瘡甚痛而不潰或流赤水總錄云消渴之人愈與不愈當慮大癰忽發於骨節而卒即瘍科所謂先渴而後發者是也宜忍冬藤丸黃耆六一湯益元散邪客中焦屬之脾胃名曰中消其證消

中消

穀善饑不甚渴小便頻數而赤大便硬而自汗王叔和云口乾飲水多食亦饑內經曰痺成爲消是也宜四物湯加知母黃栢石膏黃芩滑石以降火熱甚者調胃承氣湯三黃丸陳無擇云消中屬脾痺熱減則爲消中有初起寒中陰勝陽鬱久則亦爲熱中者內經云脉洪大陰不足陽有餘則爲熱中治宜升麻葛根湯瀉黃散濕積毒者消渴痞丸虛者加味錢氏白朮散便閉者當歸潤燥湯泄瀉者白朮芍藥湯上中二消通用宜蘭香飲子心火乘脾者黃連猪脂丸肝侵氣衝肌熱不食食即吐蛔者烏梅丸鉄粉丸有蟲耗其津液者單苦練湯水停於下變爲臍腫者五苓散去

者登是綱

卷之四

十一



腎消

桂加人參若上中既平不復傳下消矣然二消之病俱本乎燥熱治之以寒理之常也但臟腑之位遠近自殊心肺位近制小其服腎肝位遠制大其服膈消中消皆位之近者也若制之太過則不免誅伐於無過之地所謂上熱未除中寒繼作中滿之病所由成也熱伏下焦屬之腎經名曰腎消又名臟腑消初發爲膏淋病繼成乃精竭引水自救隨即溺下濁如脂液倍多於飲蓋肺臟氣管束津液輸其精微滋養筋骨血脉肺既病則不能管束致精微與溲俱下飲少溲多筋骨血脉俱失所養而致腿膝枯細面黑形瘦耳輪焦乾內經曰肺消死不治蓋以溲倍於飲之甚

強中  
類腎  
消

而言也若溲雖多未至倍於飲仲景用腎氣丸以救之緣肺因於腎虛所以火寡於畏而肺受其尅今補腎乃以救肺也或用四物湯加知母黃柏五味子玄參人乳汁或補陰丸先坎離丸加減八味丸玄兔丸鹿兔丸天王補心丸威喜丸妙香散單蘭絲湯或十全大補湯去桂倍地黃加知母黃柏上熱下冷者清心蓮子飲若服五石過度之人真氣既盡石氣獨留陽道興強不交而洩謂之強中小便油膩或黃赤或泔白或渴而利或渴而不利或不渴而利或飲卽隨小便而下結如白脂肌肉日削此已類危原無法若愈飲則愈渴而小便愈數乃腸胃燥澁怫鬱水液不



能散布周身直注而為溲溺故形貌瘦悴黃黑大與腎消相類然相懸不啻水火也誤謂下焦虛冷害事甚矣要惟補腎水陰寒之虛瀉心火陽熱之實除腸胃燥熱滋身中津液但以溫藥補養元氣使腎氣升肺氣清自是渴止病愈故腎氣丸為消渴良方而心腎皆通於脾養脾則津液自生參苓白朮散又根本要藥天花粉乃消渴之神劑單文蛤為末水調而服亦能回津止渴石燕同水牛鼻煮汁服之亦妙惟半夏則三消之獨忌鹹炙又渴病之所禁也千金云消渴病宜慎者有三一飲酒二房勞三鹹食及麪能慎此三者雖不服藥亦未遽危有口燥咽乾類乎渴者東

相似之渴

垣曰飲食不節勞倦所傷以致脾胃虛弱乃血所生病主口中津液不行故口咽俱乾病人自以為渴醫以五苓治之又加渴燥乃重竭津液以至危亡經云虛則補其母當補心與小腸乃脾胃之根蒂也以甘溫之藥為主苦寒之藥為使酸藥為臣佐蓋心火旺則肺金受邪金虛則以酸補之次以甘溫及甘寒之劑於脾胃中瀉心火之亢盛是治其本也似是之渴故併附之

加味人參白虎湯 治膈消燥渴不欲飲食

人參 六分

石膏 火煨一錢

甘草 三分

知母 一錢

黃芩 一錢

杏仁 八個去皮尖



右加糯米水煎

加味錢氏白朮散 治消穀消中善饑

人參

白朮

白茯苓

甘草 炙

藿香葉

枳殼 去穰麩炒

木香

北五味

柴胡 各五分

乾葛 二錢

右水煎

清心蓮子飲 心經蘊熱作渴小便或赤澁或濁淋

黃芩

麥門冬

地骨皮

車前子

甘草 各五分

蓮子

白茯苓

黃耆

柴胡

人參 各六分

右水煎

門冬飲子 心移熱於肺名曰膈消心膈有熱久則引飲

為消渴

麥門冬 二錢

瓜婁根

知母

甘草

五味子

生地黃

人參

葛根

茯神 各一錢

右加竹葉七片水煎

忍冬藤丸 消渴預防發癰



忍冬藤花葉共置砂罐內以酒浸之温火煨一宿取出  
晒乾入甘草十分之二共爲末酒糊丸梧子大每服一  
百丸米飲下

黃耆六一湯 治諸虛不足胸中煩悸消渴或先渴而後  
瘡或病癰而後發渴者

黃耆 六錢

甘草 一錢各用蜜炙一  
次出火毒咀片

右加棗水煎

三黃丸 三焦火盛消渴不生肌肉

大黃

黃連

黃芩 等分

右爲細末蜜丸小豆大每服五丸漸加至十丸白湯下

瀉黃散 脾胃壅熱口内生瘡煩悶多渴頰痛心煩唇燥  
口臭咽乾壅滯不食

防風 二兩

山梔仁 一兩

藿香葉

甘草 各七錢  
五分

軟石膏 五錢

右用蜜酒微炒爲末每服一二錢水煎

消渴痞丸 治中消或挾諸血腸風心脇脹滿嘔吐痿弱  
濕熱積毒等證

黃連

青黛

乾葛 各一兩

黃芩

大黃 自利不用

黃栢

山梔

薄荷

藿香



厚朴

茴香

各五錢

木香

辣桂

各二錢五分

牽牛

二兩自利不用

右為末水丸小豆大小兒麻仁大每服十九丸溫水下

當歸潤燥湯

治小便多大便秘澁燥渴喜濕陰頭退縮

舌燥口乾眼澁難開黑處見悸云

升麻

一錢五分

黃栢

酒洗

知母

酒洗

熟地黄

石膏

桃仁泥

歸身

麻仁

防風根

荆芥穗

各一錢

柴胡

七分

細辛

生甘草稍

炙甘草

各三分

杏仁

七粒另研為泥

小椒

三粒

紅花

少許

右水煎

白朮芍藥湯

治脾濕水瀉體重腹滿困弱不食暴瀉無

度米穀不化

白朮

白芍藥

各四錢

甘草

二錢

右水煎

蘭香飲子

治渴飲水極善食而瘦自汗二便結數

石膏

三錢

知母

生甘草

防風

炙一錢

炙甘草

人參

蘭香葉

白豆蔻

連翹



桔梗

升麻 各五分

右為末蒸餅糊調成餅晒乾復為末每服二錢淡姜湯

黃連猪膽丸 治強中似消渴

黃連

梁穀米

瓜婁根

茯神 各四兩

知母

麥門冬 各二兩

右為末用大猪膽一個洗淨盛藥麻線縫口甌內蒸極

爛取出藥另研以猪膽為膏再入蜜搜和藥末杵數千

下丸梧桐子大每服五十丸人參湯下

鉄粉丸

治臟腑枯燥口乾引飲小便如脂

鉄粉 水飛

鷄胫胫 炙焦

黃連 各三兩

牡厲 二兩

右為末蜜調成劑酥塗杵勻丸梧桐子大每服三十九漸

加至四十九粟米飲下

单苦練湯

取苦練根皮焙乾入麝少許水煎空心服雖覺困頓亦

無妨碍逐下之蟲其狀如蛔其色甚紅渴可即止

加味腎氣丸 治腎氣不足心火炎上口舌乾燥多渴引

飲肌體瘦損宜服此

山茱萸肉

白茯苓

牡丹皮

熟地黄 酒蒸

五味子

澤瀉



鹿角 鎊

乾山藥 炒各一兩 官桂

沉香 俱不見火 各五錢

右為末蜜丸梧子大每服七十丸塩湯下

先坎離丸 治陰火遺精盜汗潮熱咳嗽

黃栢 知母 各等分

右用童便九蒸九晒九露為末地黄煎膏為丸每服七  
八十丸淡塩湯送下脾弱者山藥糊作丸

玄兔丸 治腎水枯竭津液不生及消渴諸證

兔絲子 酒浸研焙乾 為末十兩 白茯苓 二兩 乾連肉 酒浸三兩

五味子 酒浸焙 五錢

右為末另用山藥末六兩將浸藥酒增添煮糊搜和搗

數千杵丸梧子大每服五十丸空心米湯下

鹿兔丸 治飲酒積熱薰蒸五臟津血枯燥小便益多肌

肉消爍專嗜冷物凉水

鹿茸 一兩 兔絲子 乾山藥 各二兩

右為末蜜丸梧子大每服三十丸人參煎湯點塩下

天王補心丸 治著作傷神以致潮熱盜汗咳嗽失血遺

精怔忡健忘咽乾口燥

熟地黄 白茯苓 人參

遠志 石薑蒲 玄參



栢子仁

桔梗

天門冬

丹參

酸棗仁

麥門冬

甘草

百部

五味子

茯神

當歸

杜仲

各等分

右爲末蜜丸梧子大金箔或硃砂爲衣臨臥燈心湯下

威喜丸 治腎有邪熱精氣不固夢泄白濁

白茯苓五兩細切以猪苓二錢五分同入磁器內水煮

一晝夜水乾再添取出焙乾爲末將黃蠟四兩熔化搜

和爲丸彈子大空心細嚼津液徐徐送下以小便清爲

度忌用醋

蘭絲湯

治三焦饑渴不生肌肉其効如神此物屬火有

滋陰之用大能瀉膀胱中相火引陰水上潮於口消渴

卽止二蠶繅絲水服之極効倘無預畜者以二

蚕繭煎湯代之

十全大補湯

人參

白朮

白茯苓

各七分

甘草

三分

當歸

川芎

熟地黄

白芍藥

各八分

肉桂

二分

黃耆

六分

右水煎

參苓白朮散

治脾胃虛弱飲食不進吐瀉及大病後調



助脾胃最妙

人參

白茯苓

白朮

甘草

乾山藥

薏苡仁

蓮肉

桔梗

白扁豆

砂仁

各一錢五分

右為末每服一錢棗子煎調服

四物湯

方見中風條

生脉散

方見注夏條

益元散

方見中暑條

調胃承氣湯

方見傷寒條

升麻葛根湯

方見溫病條

烏梅丸

方見酒病條

五苓散

方見中暑條

八味丸

方見惡寒條

補陰丸

妙香散

方俱見夢遺條

雜

易老門冬飲子

治老弱虛人大渴

麥門冬

五味子

各三錢

人參

枸杞子

白茯苓

各一錢

甘草

三分

右姜水煎

連粉膏

黃連

天花粉

人乳汁

藕汁

生地黄汁

右連粉等分為細末三汁和勻為膏佐以姜汁生蜜搗

和為膏以二茶匙置舌上用白湯少許送下能食者加

軟石膏瓜婁根

者登是問

卷之四

三

三



甘露湯 治煩渴口乾

百藥煎

白乾葛 各三錢

烏梅

五味子

天花粉 各二錢

甘草 五分

右水煎

瓜婁湯 治消渴小便多

用瓜婁根薄切炙五兩水五升煮取四升隨意飲

人參白朮湯 治胃膈痺熱煩滿饑不欲食漸成消中若

食而瘦燥熱鬱甚而成消渴多飲水而小便數

人參

白朮

當歸

白芍藥

大黃

梔子

荊芥穗

薄荷

桔梗

知母

澤瀉 各五錢

白茯苓

連翹

瓜婁根

乾葛 各一兩

甘草

藿香葉

青木香

官桂 各一錢

石膏 四兩

寒水石

滑石 八兩

右為細末每服五錢入盆硝五錢生姜三片水煎絞汁入蜜少許溫服漸加至一兩餘若濕熱內甚自利者去

硝黃

絳雪散

治消渴飲水無度而小便數服此藥大有神効

者登是問

卷之四

三



黃芩

黃丹

漢防已

瓜婁根

各等分

右為細末每服二錢溫漿水調下臨臥時併進三服止  
人參散 治腎消若飲食少小便頻數白濁如膏

人參

縮砂

各一分

白朮

澤瀉

瓜婁根

桔梗

梔子

連翹

各二分

葛根

黃芩

大黃

薄荷

白茯苓

各五分

甘草

七分

石膏

一錢

滑石

寒水石

各一錢五分

右水煎去渣入蜜少許再煎二三沸腎消食前上消食

後服

玉泉散

治消渴之神劑

白葛粉

天花粉

麥門冬

生地黄

五味子

甘草

糯米

各等分

右水煎

雄鷄湯

退雄鷄湯澄清飲之神効

玉泉丸

治煩渴口乾

麥門冬

人參

白茯苓



黃耆

半生半以蜜炙

烏梅

焙

甘草

各一兩

瓜婁根

乾葛

各一兩五錢

千里漿

右為末蜜丸彈子大溫水嚼下

木瓜

紫蘇葉

桂

烏梅肉

赤茯苓

各等分

右為末蜜丸彈子大噲化

水葫蘆

百藥煎

八分

甘草

三分

烏梅肉

五分

麥門冬

去心

蘇葉

人參

各六分

右為末彈子大噲化

麥門冬湯

治消渴日夜飲水無度飲下即洩

麥門冬

黃連

冬瓜

各二兩

右為末每服六錢水煎去粗一日三服鮮冬瓜去穰亦

可用

冬瓜飲子

治消渴能食而飲水多小便日夜無度所下

如脂麩

冬瓜

一個

黃連

十兩為細末

右以冬瓜切頂去穰摻黃連末於內仍以頂合熱灰中煨熟去皮研爛絞汁每服一二盞日三夜一



胡粉丸 治大渴百藥不効者及治腎消

胡粉

黃丹

各五錢

瓜婁根

二兩五錢

甘草 一兩

澤瀉

石膏

赤石脂

白石脂

各五錢

右水煎日二服如腹痛做爲丸每服十九多則腹痛

灸法

凡患消渴者以中指指甲脩去指尖上各安艾餅一壯令  
兩人一同燃火其艾必爆仍是兩人吹去又於太衝穴  
各安艾餅一壯亦兩人同燃同吹四處爆起必高五六  
寸每處各有小孔是其驗也其人即能飲食仍先灸百

會穴一艾按中指尖名中衝穴脚上太衝在大脂本節  
後二寸動脉中百會穴在頭頂自前後髮際兩耳尖各  
以線量折取其中即是百會穴

新增

治上消陽明燥渴飲水無休及虛煩中渴等證

知母 六錢

石膏 一兩

粳米 一勺

甘草 二錢

人參 一錢

黃芪 一錢

麥門冬 去心

天花粉 各二錢

右水煎服

治中消加味清熱降火湯



黃栢 一錢

黃連 一錢

山梔子 一錢

芍藥 一錢

知母 炒八分

瓜蒌根 一錢

茯神 一錢

石膏 三錢

黃芩 一錢

生地黄 一錢

當歸 八分

龍胆草 一錢

黃耆 八分

右水煎服

治下消加味葶藶導清飲

治下消小便如膏耳輪焦乾

真水虧竭此乃下消也

葶藶 一錢

蓮肉 炒七分

山茱萸 去核七分

牡丹皮 八分

白朮 一錢

茯苓 一錢

猪苓 七分

知母 八分

黃連 一錢

山藥 一錢

澤瀉 八分

黃芩 一錢

山梔子 一錢

當歸 八分

益智仁 炒二分

右水煎空心服



痰證第三十七

附梅核氣

人身之諸經百絡莫不稟受於脾氣以充足乎津液若氣血和則流行不聚苟脾氣受傷則運用失職津液壅逆遂變而爲痰矣近而輕者咳唾卽出形色清白稀薄氣味亦淡久而重者咳之難出形色黃濁稠凝漸成惡味或酸辣腥臊鹹苦甚至帶血而出又其甚者則凝滯胸膈留聚腸胃其爲病也初起頭疼發熱相類外感久則潮熱咳嗽相類陰虛肢節疼痛又類風證惟胸滿食減肉色不變脉滑不勻可辨也又或爲喘爲咳爲惡心嘔吐爲痞膈壅塞及關格異病或胸間轉轉有聲或渾身習習如蟲行或泄瀉



或眩暈或嘈雜或怔忡或驚悸或顛狂或寒熱或身中結核不紅不腫或頭項結核似癰非癰或爲走馬喉痺或胸腹間如有二氣交紐噎塞煩悶或凝結於經絡四肢爲腫爲痛或背上一點常如水冷或四肢麻痺不仁或骨節刺痛無常處或吐冷涎綠水黑汁或大小便出膿百病雜出及婦人經閉小兒驚搐莫不因痰而其所致之因則不一有因熱者有因風者有因寒者有因濕者有因火者有因酒者有因食積者有因腎虛不能降火者故其名亦有異焉曰熱痰曰風痰曰寒痰曰濕痰曰火痰曰酒痰曰食積痰曰燥痰曰老痰曰氣痰若熱痰寒痰濕痰則易治風痰

治法

燥痰老痰則難治要須察其外證而知臟腑所屬也諸熱

治法

痰者乃痰走於心也其候怔忡顛狂夢寐奇怪頭風爛眼其因起於厚味積熱或外感誤溫所致其痰色黃甚則帶血或紫宜服清氣化痰丸大金花丸風痰者乃痰動于肝也其候眩暈頭風眼目瞶動昏澁耳輪時痒脇肋脹痛左癱右瘓麻木倦怠奇證大類中風其因起於外感寒邪或腎膈木動或內風鬱熱其痰色青而光若風虛宜三生飲龍虎丹風熱小省風湯搜風化痰丸四神丹竹瀝膏寒痰者乃痰聚於腎也其候足膝酸軟腰背強痛肢節冷痺四肢不舉氣喘刺痛其因起於形寒飲冷其痰色青黑如墨

治法



濕痰  
治法

若睡或喘輕者五積散藿香正氣散重者温中化痰丸半  
硫丸濕痰者乃痰生於脾也其候四肢倦怠或腹痛腫脹  
泄瀉其因起於外感濕滯或停飲不散其痰色白喘急者  
千縉湯心痛者半夏丸或神木丸濕熱色黃者中和丸清  
膈蒼莎丸在裏者青礞石丸若外因於濕者亦謂之濕痰  
宜導痰湯主之能使大便潤而小便長則愈矣火痰者乃  
痰留於胃皖也其候嘔吐吞酸嘈雜上衝頭面烘熱其因  
起於醇酒熱飲或飲食喜熱衣褥過厚火蒸津液成痰稠  
濁宜二陳湯加芩連山梔或抑上丸潤下丸酒痰者乃因  
飲酒乾嘔噁腐脇痛宜小調中丸香附瓜婁青黛丸食積

火痰  
治法

酒痰  
治法

食痰  
治法

燥痰  
治法

氣痰  
治法

痰者乃痰挾食積瘀血遂成窠囊痞塊也宜橘半枳朮丸  
痰壅喘急者瓜婁實丸山查麥芽煎湯下陰虛者黃白丸  
傷水心中堅大如杯者名氣分枳朮丸料煎湯服痰癢硬  
如杯時有水聲者神保丸燥痰者乃痰升於肺也其候毛  
焦面白如枯骨咽乾口燥咳嗽喘促久則為老痰鬱痰盖  
因痰鬱心肺之久凝滯胸膈稠粘難咯忌用南星半夏燥  
藥但為開鬱降火清金潤肺緩以治之非茯苓蒼朮枳殼  
之藥可治宜王節齋化痰丸謝傳清金丸單貝母丸霞天  
膏氣痰者乃七情痰滯咽膈也其候胸脇痞滿咯之不出  
嚥之不下形如破絮或如梅核宜四七湯若久者去蘇子

者登是綱  
卷之四  
痰



言諸抄錄 卷之四 痰論  
加黃芩山梔海石或三仙丸千金指送丸至於因氣動者  
曰痰氣宜順氣導痰湯因火動者曰痰火乃火氣衝逆嗽  
動於濕而爲痰宜清熱導痰湯若痰在膈上及經絡中也  
非吐不能出吐中就有發散之義既吐之後卽宜補中若  
氣虛用四君子湯血虛用四物湯脾虛用六君子湯腎虛  
用六味地黃丸分表裏上下審寒熱虛實用藥未有不速  
愈者也若痰在腸胃間也須下乃愈但不宜過用峻厲之  
劑反虛脾氣而致痰生不已若痰涎壅盛頭目昏眩肩背  
拘急手足頑麻宜用四神丹或清氣化痰丸上膈壅熱痰  
涎不利者宜解毒雄黃丸陽虛腎寒不能收攝邪水冷痰

溢上或昏暈夜喘上氣者八味丸三味安腎丸黑錫丹以  
鎮墜之痰壅發厥者蘇子降氣湯三生飲硫永丹脾虛不  
能運化者補中燥濕六君子湯加竹瀝姜汁勞役傷脾失  
升降者補中益氣湯加半夏竹瀝姜汁陰虛腎火炎上肺  
燥者二陽湯合四物湯去川芎半夏加貝母麥門冬瓜婁  
仁桔梗潤而降之或腎氣丸三一腎氣丸大抵治痰之法  
必實脾燥濕然痰隨氣生宜順氣爲先火因氣達須兼降  
火君主之方又莫如二陳湯也朱丹溪謂其管治一身之  
痰蓋以半夏豁痰燥濕橘紅消痰利氣茯苓降氣滲濕甘  
草補脾和中此體用標本兼盡之藥風加南星皂角白附



子天麻雄黃牛黃蠶蚕竹瀝之類選而用之寒倍半夏加  
姜附姜汁濕加蒼朮白朮燥加瓜婁仁杏仁火加石膏青  
黛老痰鬱痰加海石芒硝瓜婁仁半夏香附五倍子蠶蠶  
訶子貝母食積痰加山查神麩麥芽欲吐者以蘿蔔子油  
炒爲末漿水調下探而吐之停水加栝榔痰在脇下加白  
芥子痰在四肢加竹瀝痰在皮裏膜外亦加竹瀝姜汁氣  
實者用荆瀝活潑如用當母拘泥至於腎虛火升之痰必  
兼滋胃火始歸源蓋腎司津液燥盛則凝潤多則化天門  
冬不可不用也然痰嗽之人往往口燥舌乾卽東垣所謂  
脾胃虛弱乃血所生病主口中津液不行故口乾咽乾也

而醫家病家皆以爲渴遂指半夏爲渴家所忌不用於二  
陳湯中或又以貝母代之殊不知半夏入足太陰脾經貝  
母入手太陰肺經不用半夏則脾家之濕何由而燥所以  
津液愈不能上輸口舌之乾益不能解矣醫者察非肺燥  
之病與凝滯胸膈之痰半夏不可遽棄也若夫痰客中焦  
見證異常至不可得而識者如醫學綱目所載劉姓者患  
病六七日晝夜不得眠方眠卽起方起卽倒未嘗少息身  
上冷汗時出醫者莫不謂之傷寒治皆罔効召孫孫曰若  
言是氣必作喘今無喘非氣也診其脉三部俱沉重按則  
鼓擊於指下必寒痰聚於胸中也用陳皮半夏乾姜各一



兩生姜五錢槌碎水煎七分作二服服過經時即睡一晝  
夜不醒醒來下鷄子大痰一塊其病乃愈此痰病變態不  
一之驗也臨證者又當觸類而推之

清氣化痰丸 清頭目涼膈化痰利氣

半夏

湯泡七次二兩

陳皮

去白

白茯苓

各一兩五錢

薄荷葉

荊芥穗

各五錢

黃芩

酒浸炒

連翹

山梔仁

桔梗

炙甘草

各一兩

右為末姜汁煎水調糊為丸梧子大每服五十丸食後  
臨臥各一服如腸胃燥實加酒炒大黃芒硝各一兩按

此乃二陳湯涼膈散相合者也惟痰因火動而致胸膈  
痞滿頭目昏眩者以二陳豁痰利氣涼膈降火散風熱  
誠為妙劑證不相對不宜妄投

大金花丸

黃栢

黃連

山梔

黃芩

大黃

便實方加

右等分為末糊丸非大熱者不宜用

王隱君滾痰丸 洞虛子曰痰證古今未詳方書雖有懸

飲流支飲痰飲溢飲之異而莫知其為病之原或頭風  
目昏暈眩耳鳴或口眼蠕動眉稜耳輪瘙痒或四肢遊



風腫硬似痛非痛或為齒頰痒痛牙床浮腫而痛痒不一或噁氣吞酸嘈雜嘔噦咽嗑不利咯之不出嚥之不下色如烟煤形如破絮或如桃膠蜆肉之狀或心下如停冰冷心頭疼痛時作或夢寐奇怪鬼魅或足腕酸軟腰背卒痛或四肢骨節疼痛全無常處或至手麻背痛狀如挫閃或脊中每有一掌大如冰凍之寒痛者或渾身習習如蟲行者或眼眩澁痒口糜舌爛甚為喉閉等證又或透項結核似癰非癰或胸膈間如有二氣交紐噎塞煩悶有如烟氣上冲頭面烘熱為失志顛狂或為中風癱瘓或為勞瘵荏苒之疾或為風痺及脚氣之候或心下怔忡驚悸如人將捕已或喘嗽嘔吐或嘔冷涎綠水黑汗甚為肺癰腸毒便膿攣鼓其為內外疾病非止一端皆痰之所致也蓋津液既凝為痰為飲而洶湧上焦故口燥咽乾流而下之則大便閉塞面如枯骨毛髮焦黑婦人則經閉不通小兒則驚癇搐搦治法以此先逐出敗痰然後調理

歌曰 甌裏翻身甲帶金 於今頭戴草堂深  
相逢二八求斤正 硝煨青礞倍若沉  
十七兩中零半兩 水丸梧子意常斟  
千般怪證如神効 水瀉雙身却不仁



大黃

酒拌蒸

黃芩

各八兩

沉香

五錢

青礞石

一兩搥碎與焰硝一兩同入砂礮用瓦蓋

之鉄線縛定塩泥固濟晒乾火煨紅候冷取出

一方加硃砂二兩研爲細末作衣

右爲細末淨水爲丸梧子大每服四五十丸量虛實加

減食後臨臥任用溫水茶湯止可含一口藥過咽隨卽

就臥使藥得從膈上祛痰而下凡屬痰證此藥俱効其

功不能盡述且不動臟腑止於搜逐痰之積畜者而已

可不謹信乎

三生飲

治中風昏迷痰壅口眼歪邪脉沉無熱者可服

去川烏名星附湯

天南星

二錢六分

川烏

一錢二分

附子

去皮一錢二分俱生用

木香

不見火二分

右加生姜十片水煎服

龍虎丹

治走注疼痛或麻木不遂或半身痛

草烏

蒼朮

白芷

各一兩研末拌會過入後藥

乳香

沒藥

各三錢另研

當歸

牛膝

各五錢

右爲末糊丸彈子大每服一丸溫酒化下

小省風湯

治中風口禁口眼喎斜筋脉攣急抽掣疼痛



風盛痰實眩暈僵仆頭目眩重胸膈煩滿左癱右瘓手足麻痺骨節頑疼步履艱辛恍惚不定神志昏憤一切風證此方散風豁痰降火標本專治者

防風

南星

各四兩

半夏

甘草

黃芩

各二兩

右咬咀每用一兩加姜十片煎服與導痰湯相合尤妙  
加減法

氣逆加木香

氣虛加附子沉香

胸滿加人參

頭暈加天麻全蝎

煎熟入麝少許

搜風化痰丸

半夏

四兩

人參

槐角

僵蠶

白礬

陳皮

天麻

荆芥

各三兩

辰砂

五錢

右為末姜汁浸蒸餅為丸梧子大辰砂為衣每服四十丸姜湯下

四神丹 治手足頑麻痰涎壅盛頭目昏眩肩背拘急

天麻

南星

薄荷

五錢

防風

各一兩

右為末酒糊丸菉豆大每服二十九丸荆芥生姜煎湯下  
竹瀝膏 治熱痰又能養血清熱又痰厥不省人事幾死



言言抄錄 卷之四 痰証  
者灌之亦甦誠起死回生藥也

用淡白竹截長二尺許每段劈作四片以新磚二塊排  
定將竹片仰架磚上兩頭露一二寸下以烈火迫之用  
兩盆盛瀝每用瀝六分加姜汁二分痰熱甚者止可加  
一分

温中化痰丸 治停痰留飲胸膈滿悶頭目眩暈咳嗽涎  
唾或飲酒過多嘔噦惡心

青皮

陳皮

良姜

乾姜

各五兩

右為末醋糊丸梧子大每服五十九丸米飲下

半硫丸

治年高冷秘

半夏

硫黃

右等分為末麻仁汁或姜汁調糊丸梧子大每服七十  
丸温酒米飲下

千緡湯

治痰嗽

半夏

七粒泡製每  
個切四片

皂角

去皮尖一寸

甘草

炙一寸

右用生姜如指大一塊水煎服

半夏丸

治濕痰喘急止心痛

半夏不拘多寡香油炒為末粥丸梧子大每服四十  
丸姜湯下



神木丸 治痰飲挾瘀血成窠囊此為行痰妙劑

蒼朮一斤為末用生麻油五錢水二盞研爛取汁入棗

肉十五枚同搗丸梧子大每服五十九丸温酒下

丹溪中和丸 治有痰而嗽

黃芩 酒洗一兩五錢 貝母

南星 各一兩

滑石 白芥子 各五錢

右為末湯泡蒸餅丸梧子大每服五十九丸白湯下

清膈蒼莎丸 治因濕熱痰火氣滯

蒼朮 二兩 香附 一兩五錢

黃芩

黃連 各五錢

右為末用紅熟瓜婁去皮搗糊和丸菉豆大每服三十

丸温酒下

青礞石丸 治食積去濕熱痰

青礞石 二兩煅硝 南星 二兩白礬水

半夏 皂角水浸

黃芩 姜汁炒

白茯苓

枳實 各二兩

風化硝 用蘿蔔同煮硝化去蘿蔔濾淨入臘月牛

膽內風乾五錢

右為末神麩糊丸梧子大每服三四十九丸白湯下

導痰湯

南星 炮

陳皮 去白

赤茯苓 去皮



枳殼 去穰

甘草 炙各一錢

半夏 四錢

右加生姜七片水煎

二陳湯 此藥乃痰病之主方因病而加無不神驗

半夏 製二錢

橘紅

白茯苓 各一錢

甘草 炙五分

右姜水煎服

治痰加減法

痰在上欲藥上行加升麻柴胡防風則大便潤而小便長矣

痰在下欲藥下行加黃栢木通防已

痰多倦怠軟弱加蒼朮白朮南星

寒痰胸中痞塞倍加半夏甚則加麻黃細辛烏頭或乾姜附子益智仁草豆蔻之類

風痰加南星枳殼白附子天麻殭蠶猪牙皂角氣虛加竹瀝氣實加荆瀝俱用姜汁如風痰壅盛者加防風

熱痰胸膈喘滿加黃芩黃連梔子瓜婁滑石石膏竹瀝痰因火盛而逆降火為先加白朮黃芩軟石膏黃連之

類眩暈嘈雜者火動其痰也亦加山梔黃連黃芩此條即痰火治法

血虛有痰者加天門冬知母瓜婁仁香附米竹瀝姜汁



言諸病綱 卷之四 痰 帶血者更加黃芩白芍藥桑白皮

血滯不行中焦有飲者竹瀝內加生姜汁韭汁服四五  
盃必胸中燥煩不寧而後愈

氣虛有痰者加人參白朮則爲六君子湯矣

脾虛者宜補中虛以運痰降火加白朮白芍藥神麩麥  
芽兼用升麻提氣

內傷挾痰加人參黃耆白朮之類姜汁傳送或加竹瀝  
尤妙食積痰加神麩麥芽山楂炒黃連枳實以消之甚  
者必用丸藥攻之血虛用四物湯下

中焦食積痰胃氣反賴其所養宜徐徐攻之若攻之  
痰盡胃亦虛矣

老痰用海石半夏瓜婁仁香附米連翹之類五倍子佐  
他藥大治頑痰但宜於丸藥

喉中有物咯不出嚥不下此結痰也必當用鹹藥以軟  
堅宜瓜婁仁杏仁海石桔梗連翹香附少佐朴硝姜汁  
煉蜜爲丸噙化脉澹者卒難開必費調理氣實而痰熱  
結者吐難得出或成塊吐咯不出氣滯者難治

痰在膈上必用吐法膠固稠濁亦必用吐脉浮者宜吐  
須升提其氣加防風川芎桔梗芽茶生姜韭汁之類吐  
法備載於後若吐而不盡終必作楚宜如後法也



言說抄錄 卷之四 痰  
痰在腸胃間者下之乃愈枳實甘遂巴豆大黃芒硝之類但下後宜補

痰在脇下非白芥子不能達

痰在皮裏膜外在四肢在經絡非姜汁竹瀝不能及必佐以韭汁膈間有痰或顛狂風痰俱用竹瀝若氣實能食者用荆瀝與竹瀝同攻但氣虛少食者仍用竹瀝人身上中下有塊是痰也問其平日好食何物吐下後

方用藥

痰在脇下作痛或輓輓有聲加柴胡青皮川芎白芍藥痰在經絡中或手足胸背臂膊作痛者在上加防風羌

活威靈仙在下加防已牛膝木通之類冬月加烏附行經

酒痰加葛根枳殼砂仁神麩麥芽

氣虛加木香檳榔砂仁枳殼烏藥香附

燥痰加瓜婁仁杏仁貝母五味子

陰虛咯血痰嗽加天門冬麥門冬知母黃柏貝母款冬  
葢紫苑馬兜鈴

痰在中焦噎氣吞酸胃脘當心而痛或嘔清水惡心加

白朮蒼朮神麩麥芽川芎砂仁草豆蔻枳實澤瀉黃連

吳茱萸山梔子木香檳榔之類作丸服之

以上皆二陳湯用法無非中和之劑果投其證則効如



言言抄錄 卷之四 痰証  
影響雖不中病亦無他害用者以此意而擴充之可以為工矣

抑上丸 治痰因火動

白朮

黃芩

黃連

石膏 各一兩

青黛 五錢

右為末蒸餅糊為丸如梧子大每服四十九白湯下

丹溪潤下丸 降痰甚妙

南星

黃芩

黃連

炙甘草 各一兩

半夏

二兩以水花鹽五錢拌勻煮乾烘燥

橘紅

八兩如半夏製法用

右為末蒸餅丸棗豆大每服七十九白湯下

小調中丸 治一切痰百般怪病更調脾胃神効

黃連

甘草煎水浸炒乾

甘草

黃連煎水浸炒乾

半夏

瓜婁仁煎水浸炒乾

瓜婁仁

半夏煎水浸炒乾

右各等分為末良姜汁糊為丸

香附瓜婁青黛丸 治燥痰鬱痰酒痰咳嗽飢逆凡積痰

非青黛瓜婁不能除

香附

瓜婁

青黛

右為末蜜丸芡實大每一丸食後臨臥噙化

橘半枳朮丸

白朮 土炒二兩

枳實

去穰麩炒黃

半夏

製



陳皮 各一兩

右為末荷葉包老倉米煮飯為丸梧子大每服五十九不拘時白湯下

黃白丸 治陰虛食積痰火

黃連 瓜婁仁 白朮

神麴 麥門冬 各一兩 川芎 七錢

青黛 五錢 人中白 三錢

右為末姜汁浸蒸餅為丸梧子大每服五十九淡姜湯下  
節齋化痰丸 痰因火上肺氣不清或凝結喉間咯吐不出及飲酒之人酒氣上升為火肺與胃腕皆受火邪故

鬱滯成痰此方用天門冬黃芩瀉肺火海粉芒硝鹹以軟堅瓜婁仁潤肺降痰香附米開鬱降氣連翹開結降火青黛解鬱火以上諸藥品無辛燥允為治痰火之要藥

天門冬 去心 枯黃芩 酒炒 海粉 另研

瓜婁仁 另研 橘紅 各一兩 桔梗 去蘆

香附子 槌碎淡鹽水浸炒 連翹 各五錢 青黛 另研二錢

芒硝 另研三錢

右為極細末以白蜜入鍋煎數沸去浮蠟入姜汁少許和藥末杵極勻丸如圓眼大噙化一丸或嚼爛清米湯細嚥下或以姜汁為糊丸如黍米大每服五六十丸食



後白湯下

清金丸 化痰止咳清金降火又解酒毒

薄荷 四兩

百藥煎 二兩

土桔梗

核兒茶 各五錢

砂仁

訶子 各三錢

硼砂 二錢

右為末另用粉草八兩水熬成膏和末搗丸如櫻桃大每噙化一丸緩緩嚥下

貝母丸 治痰要藥也或加童便製香附為丸服亦可

貝母用童便浸春夏一日秋冬三日洗淨晒乾為末白

糖調和不時服之或白湯調服

霞天膏

用純黃無病牯牛四腿項脊淨肉四五十斤切成塊子在淨室中取長流水銅鍋內煮之不時攪動另以新鍋煮沸水在旁旋加常使水淹過肉五六寸掠出浮沫候肉爛如泥以絹濾取肉汁在小銅鍋內桑柴文武火熬漸漸加汁不住手攪至如稀湯大端以肉十二斤為則煉膏一斤以磁器盛之用以調湯劑初少漸多若實痰新痰必用南星半夏以燥之橘紅枳殼以散之猪苓茯苓以滲之黃芩黃連以降之巴豆附子以流通之竹瀝瓜婁以潤下之可也至於虛痰老痰稠粘膠固於胸



臆依附蟠據於腸胃必當用此膏雖至吐瀉元氣亦不致虛損如癱勞蠱噎於補虛藥中亦加此膏以去痰積可收萬全比之倒倉更穩但服此仍須善養也

四七湯 治七情相干痰涎凝結如絮如核窒碍於咽喉之間咯吐不出吞嚥不下或中脘痞滿氣不舒快或痰涎壅盛上氣喘急或因中焦痰飲嘔逆惡心兼治婦人惡阻及男子思慮過度遺精白濁

厚朴

一錢五分

半夏

二錢五分

白茯苓

二錢

紫蘇

一錢

右姜棗水煎

三仙丸 治中脘氣滯胸膈煩滿痰涎不利頭目不清或去香附加橘皮則治氣痰

南星

半夏

各一斤

右爲末用生姜汁調成劑攤在篩中以楮葉蓋如禽黃法待發黃色晒乾收之須在五六月內乃可每用時取麩四兩入香附末二兩糊丸梧子大每服四十丸食後姜湯下

千金指迷丸

白茯苓

虛人用人乳浸瘦人血少用砂仁同酒浸蒸去砂仁用生地黄汁浸蒸

枳殼

用麥麩醋水炒各一兩

半夏麩

二兩

風化硝

一錢五分



右爲末姜汁糊爲丸梧子大如治脾胃痰用神麩爲糊  
治血分痰酒爲糊治氣分上焦痰蒸餅爲糊治骨節四  
肢痰鹽酒入姜汁爲糊治足痰牛膝煎膏爲糊痰病深  
癩牛膏爲糊多服卽可以汗吐下如倒倉法也每早常  
服三五十九姜湯下旬月以往大便溏滑是潛消痰積  
之驗也如耳聾氣壅上焦諸風熱頭風等證竹瀝入姜  
汁白湯下二三百丸以利爲効痰火愈後住服但覺少  
作仍服與諸服食補養藥劑不相妨碍

順氣導痰湯

卽前方導痰湯加香附烏藥沉香木香

清熱導痰湯

卽導痰湯加芩連

黑錫丹 治脾胃俱虛冷氣刺痛止汗墜痰除濕破癖

黑錫 熔化去粗

硫黃 各二兩

附子

破故紙

肉豆蔻

小茴

川練子

陽起石

木香

沉香

葫蘆巴 各一兩

肉桂 五錢

右以黑錫熔化去渣硫黃熔化水浸將硫黃研細復以  
錫熔化漸入硫黃結成一塊傾地上去火毒研至無聲  
爲度後將附子十味研爲細末和勻酒糊丸梧子大陰



乾入布袋內擦光熱每服三五丸空心姜鹽湯或棗湯下一切冷痰鹽酒下年高有客熱者服之最効

蘇子降氣湯 治虛陽上攻氣不升降上盛下虛痰涎壅盛

蘇子

半夏麴 各五分

甘草

前胡

當歸

厚朴 各二分

肉桂

陳皮 各三分

右姜棗水煎服

硫汞丹 治一切吐逆反胃

水銀 八錢

生硫黃末 二錢

右同入無油鉢內慢火化開以柳枝拌炒或有烟以醋洒之似結成砂子研末以粽尖作丸菘豆大每服三十丸生姜橘皮煎湯下

三一腎氣丸

補心腎清臟精血瀉心腎諸臟火濕論云

人之一身陽常有餘陰常不足氣常有餘血常不足故滋陰補血之藥自幼至老不可缺也古方如腎氣丸固本丸補陰丸俱是滋陰補血之劑然固本丸胸滿有痰者忌之補陰丸脾虛有濕者忌之惟腎氣丸專於補血滋陰而兼理痰濕最為切當但品味數少不足以盡其變今以三方合而略用加減名曰三一腎氣其間補瀉



兼施庶乎可也

熟地黄

生地黄

乾山藥

懷慶者佳

山茱萸肉

各四兩

牡丹皮

赤茯苓

白茯苓

澤瀉

瑣陽

龜板

酥炙各三兩

川牛膝

甘州枸杞

人參

麥門冬

天門冬

各二兩

知母

黃柏

五味子

肉桂

各一兩

右為細末煉蜜丸梧子大每服五十九漸加至六七十丸空心温酒淡塩湯任下虛甚加鹿茸虎脰骨各一兩

此藥其間有補有瀉其故何哉夫五臟藏精血者也精血一虛邪火乘之而為濕熱補者所以補其精血也瀉者所以瀉其濕熱也世人徒知五臟精血虛而生火殊不知五臟精血虛而邪火得以乘之此方既用知母黃栢以瀉火又用茯苓澤瀉以滲濕尤為備也

五積散

八味丸

方俱見中寒條

藿香正氣散

方見感寒條

四君子湯

四物湯

六君子湯

六味地黄丸

方俱見中風條

瓜婁實丸

方見噎膈條

神保丸

枳朮丸

方俱見內傷條

三味安腎丸

方見虛損條

補中益氣湯

方見脾胃條

腎氣丸

方見耳証條

雄黃解毒丸

方見咽喉條



丁香半夏丸 治心下冷痰停滯頭目眩暈

檳榔

丁香

半夏

各一兩

細辛

乾姜

人參

各五錢

右為末生姜汁糊丸梧子大每服二十九姜湯一日服三服

竹瀝達痰丸 治痰盛體弱

人參

五錢

白朮

白茯苓

陳皮

甘草

各一兩

半夏

一兩五錢

右為末以竹瀝姜汁調如稀糊晒乾又調又晒者三次入前滾痰丸料六兩以竹瀝姜汁作糊丸梧子大每服四五十丸食後清茶一二口送下

丹溪小胃丹 上可取胸膈之痰下可利腸胃之痰但能

損胃不食胃氣虛而少食者不可用

甘遂

麪裹煨熟

大戟

長流水煮一時許洗淨晒乾用

芫花

醋拌經宿炒黑勿焦

黃栢

炒褐色各二兩

大黃

酒拌濕紙裹煨熟焙乾再以酒潤炒一兩五錢

右為細末粥丸麻子大每服十九溫湯下

丹溪墜痰丸 治痰飲能使痰從穀道中出

風化硝

枳實

麩炒黃色

生白礬

三錢

枳殼

二錢五分

猪牙皂角

酒炒一錢

右為末用蘿蔔汁丸梧子大鷄鳴時用白湯下五十九初則見糞次則有痰



丹溪苦參湯 肥人多濕痰服此

苦參 半夏 各一錢五分 白朮 三錢五分

陳皮 一錢

右姜水煎入竹瀝半酒盃服

丹溪利膈化痰丸

南星 煨製 蛤粉 半夏 湯泡

貝母 瓜蒌仁 去殼 香附 去皮

皂角 去皮 杏仁 去皮尖炒 青黛 等分

右前六味研為細末以皂角杵碎煎濃汁搗杏仁如泥入姜汁和蒸餅為丸菘豆大青黛為衣每服五十九姜

湯下

東垣黃芩利膈丸 除胸中熱利膈上痰

生黃芩 炒黃芩 各一兩 澤瀉

黃連 白礬 各五錢 南星

枳殼 半夏 製 陳皮 各三錢

白朮 二錢

右為末湯浸蒸餅丸梧子大每服五十九食後白湯下

東垣皂角化痰丸 脾土壅滯痰涎盛多喉中不利涕唾

稠粘噎塞吐逆不思飲食急情

皂角 灸 止用白皮酥 白附 炮 半夏 製



熱痰脉洪加小柴胡湯青黛黃連

濕痰脉緩加二朮防已 氣痰脉澁加青皮陳皮

發熱加黃芩桔梗 氣上逆加甜葶藶

痞加枳實 身重加茯苓

氣促加參桔梗 浮腫加郁李仁杏仁澤瀉 茯苓

大便秘加大黃 熱上喘滿加寒水石石膏

能食大承氣湯 不能食加厚朴

右姜水煎服

白朮丸 治濕咳嗽脉緩面赤肢體沉重嗜臥不收腹脹而食不消化

白朮 一兩五錢

天南星

半夏 各一兩

右為末湯浸蒸餅丸梧子大每服七十九姜湯下  
加味四七湯 治梅核氣證妙不可盡述

蘇梗

半夏

厚朴 姜製

白茯苓

陳皮

枳實

南星

砂仁 各一錢

青皮 七分

檳榔 三分

白豆蔻 六分

益智仁 三分

神麴 炒一錢

右加生姜五片少煎食遠服

三因七氣湯 治喜怒哀憂思悲恐驚之氣結成痰涎狀如



天南星 炮

白礬 枯

赤茯苓 去皮

人參 各一兩

枳殼 炒二兩

右為末生姜汁糊丸梧子大每服三十丸食後溫水下

東垣人參清鎮丸 清熱止嗽消痰定喘

柴胡 人參各一兩五錢 生黃芩

半夏 炙各七錢五分 青黛

麥門冬 三錢 陳皮 五味子去核各二錢

右為末水糊丸梧子大每服五十丸食後白湯下

東垣小黃丸 化痰止涎除濕和胃兼治胸中不利

黃芩 一兩 白朮 半夏製各五錢

黃耆 橘紅青皮去白各三錢

澤瀉 二錢 乾姜 一錢五分

右為末湯浸蒸餅丸菉豆大每服三十丸以至五十丸

食遠溫水下

加減退痰湯

南星 製 半夏 製 枳殼

陳皮

右為三方

隨證加減

風痰脈弦加通聖散 寒痰脈沉加小青龍湯桂杏



熱痰脉洪加小柴胡湯青黛黃連

濕痰脉緩加二朮防已 氣痰脉澁加青皮陳皮

發熱加黃芩桔梗 氣上逆加甜葶藶

痞加枳實 身重加茯苓

氣促加參桔梗 浮腫加郁李仁杏仁澤瀉茯苓

大便秘加大黃 熱上喘滿加寒水石石膏

能食大承氣湯 不能食加厚朴

右姜水煎服

白朮丸 治濕咳嗽脉緩面赤肢體沉重嗜臥不收腹脹而食不消化

白朮 一兩五錢

天南星

半夏 各一兩

右為末湯浸蒸餅丸梧子大每服七十九姜湯下  
加味四七湯 治梅核氣證妙不可盡述

蘇梗

半夏

厚朴 姜製

白茯苓

陳皮

枳實

南星

砂仁 各一錢

青皮 七分

檳榔 三分

白豆蔻 六分

益智仁 三分

神麴 炒一錢

右加生姜五片少煎食遠服

三因七氣湯 治喜怒哀憂思悲恐驚之氣結成痰涎狀如



破絮或如梅核在咽喉之間咯不出嚥不下此七情所為也或中脘痞滿氣不舒快或痰涎壅盛上氣喘急

半夏 五兩

茯苓 四兩

厚朴 三兩

紫蘇 二兩

右咬咀每服四錢姜棗水煎

加味二陳湯 治梅核氣

陳皮

半夏

茯苓

枳殼

桔梗

黃芩

蘇子

白豆蔻

山梔子

甘草 等分

右姜水煎

行氣散 治梅核氣咽喉氣脹上攻胸膈痛

紫蘇

陳皮

香附

烏藥

枳殼

桔梗

厚朴

半夏

大黃 酒炒

甘草 等分

右加燈心十根水煎服

新增

加味二陳湯 治痰之要藥

陳皮 八分

茯苓 八分

半夏 八分



南星 八分

貝母 去心八分

香附 炒一錢

桔梗

枳實 炒各四分

白朮 一錢

人參 八分

玄參 七分

青木香 火炮七分

瓜婁仁 一錢

蘇子 炒八分

黃連 炒七分

山梔 炒七分

甘草 三分

右生姜引

### 吐痰法第三十八

汗吐下三法乃醫家之至要至於病之宜吐者比汗下尤為喫緊也蓋患人胸膈脹滿非吐不通上部無脉下部有脉非吐不達此皆吐之緩者若纏喉風痺中風不語與夫風痰壅塞等證藥不能下危在傾刻非吐何由而通茲以其方法附諸痰證之後俾緩急應變不至束手云

一凡行吐法先當避風仍以手巾之類拴束其腹

一藥性能升動其氣者如防風山梔川芎桔梗芽茶皆能使吐但須以生姜汁少許入藜汁搗服而又以鷺翎引之方吐也



一老痰在膈但以鹽湯溫飲二三碗少頃以手指哇之亦可吐此病之輕者也

一附子尖桔梗蘆人參蘆瓜蒂藜蘆艾葉芽茶不拘湯與藥皆可自吐不用手探

一蘿蔔子五合插入漿水濾過入清油白蜜少許服下探吐

一鮮蝦半斤醬葱姜等料物煮汁先吃蝦後飲汁探吐

一苦參末赤小豆末各一錢探吐與逆流水調服

一益元散吐濕痰

一虛人宜人參蘆煎湯

一探吐鷺翎平時用桐油浸皂角水洗晒乾待用

一吐不止服藜蘆瓜蒂者以麝調湯解葱白湯亦可解瓜蒂之吐甘草解諸藥吐白水總能解吐

二神散

常山 五錢

葱管藜蘆 二錢五分

右為粗末每服二錢水煎服

三仙散

防風 去蘆

瓜蒂 微火烘剉各二錢五分 葱管藜蘆 五錢

右為粗末每服四五錢以蠶水二鍾煎七八沸濾另用蠶水一鍾入前担煎至半鍾却將先二鍾合作一處再熬五七沸去担澄清候溫徐徐服之以吐為度不必盡劑



四靈散

瓜蒂 一錢  
人參蘆 一錢  
赤小豆  
甘草 各一錢五分

右為細末每服一二錢或少至五分臨時酌量用薑汁調下

五玄散

猪牙皂角 去皮弦  
綠礬  
赤小豆 各一錢  
明礬 二錢  
葱管黎蘆 五錢

右為細末五分以至一二錢漿水調下如牙關緊者幹開灌之

取痰散

黎蘆  
人參蘆  
防風 去皮  
細辛 各一錢五分  
猪牙皂角 去皮弦 炮一錢

右用醋漿水鍾半煎一鍾食後溫服候吐痰已盡用冷葱湯時呷而止

獨聖散 方見中風條

新增

加味開鬱導痰湯 有患憎寒壯熱頭痛昏沉迷悶上氣喘急口吐涎沫庸醫不識皆為傷寒治之誤人多矣殊不知內傷七情以致痰迷心竅神不守舍名曰挾痰如



鬼祟痰證類傷寒與此同治法

茯苓 八分

貝母 去心一錢

蘇子 炒七分

半夏 八分

南星 八分

白朮 一錢

黃芩 炒一錢

陳皮 八分

甘草 三分

桔梗 八分

黃連 生薑汁炒七分

香附 童便炒一錢

玄參 一錢

瓜蒌 一錢去殼

右水二鍾姜三片再入竹瀝去粗溫服年力壯盛先用吐法次服此湯

五飲第三十九

夫飲者茶湯酒水停蓄不散之謂也總之脾氣受傷不能運化故或留胸膈或蓄腸胃或走肢脇兼與外邪相搏七情抑鬱釀而成痰其脉多弦滑或伏眼下皮如灰黑宜各因其證而治之其一曰痰飲乃水走腸間或停心下瀝瀝有聲或嘔吐惡心或心下痞或頭眩心悸或半身不快為寒熱或胸脇服滿目眩宜苓桂朮甘湯主之或二陳湯隨證加減若先渴而嘔者為水停心下宜小半夏加茯苓湯渴燥是水飲在腸胃仲景云渴而小便不利宜五苓散其二曰懸飲乃水流脇下咳唾引痛懸懸思水宜十棗湯主



之其三曰溢飲乃飲水流行歸於四肢當汗出而不出身體疼重當發其汗宜大小青龍湯主之其四曰留飲乃飲水過多或飲冷酒以致停於胸中背冷一塊如手掌大或脇下有聲短氣而渴四肢歷節痛其脉沉或脇下痛引缺盆咳嗽則轉甚宜白朮丸主之又有伏飲者水停膈滿嘔吐喘咳發熱惡寒腰背痛淚出或身惕目矜與留飲合而爲一也其五曰支飲乃咳逆倚息短氣不得臥其形如腫仲景云嘔家本渴今反不渴心下有支飲故也小半夏湯主之若胸滿者枳殼大黃湯主之羅謙甫曰心下有支飲其人若胃眩澤瀉湯主之考仲景治諸飲在皮裏膜外表分者以大小青龍湯汗之在胸膈者以瓜蒂散吐之在四肢經絡脇肋者以五苓散分利之在腸胃裏分者必十棗湯下之其法似過於峻厲酌中擬治發汗用參蘇飲吐用二陳湯加防風桔梗探之分利用五飲湯宜下者用開結枳朮丸仍間服小半夏湯葶藶散枳朮丸溫中化痰丸清氣化痰丸半夏溫肺湯酌量虛實加減庶乎得中也

苓桂朮甘湯

白茯苓

四錢

桂枝

三錢

白朮

二錢

甘草

一錢

右水煎



白朮丸 治留飲

白朮

桂心

乾姜 炮各一兩

右為末蜜丸每服二十九溫米飲下加至三十丸

枳朮大黃湯 治肢飲胸滿

枳實 二錢

厚朴 一錢五分

大黃 五錢

右水煎

澤瀉湯 治水腫大小便秘瀼

澤瀉

赤茯苓

枳殼

猪苓

木通

栝榔

黑丑 各等分

右為末每服二錢生姜葱白煎湯調服

海藏五飲湯 一留飲心下二癖飲脇下三痰飲胃中四

溢飲膈上五流飲腸間凡此皆因酒後傷寒飲冷過多

而成

旋覆花

人參

陳皮

枳實

白朮

白茯苓

厚朴

半夏

澤瀉

猪苓

前胡

桂心

白芍藥

甘草 各等分

右各藥二錢半作一服加生姜十片煎成溫服忌猪肉



生冷厚味等物因酒多者加葛根花砂仁

開結枳木丸 導滯化痰升降陰陽通行三焦蕩滌腸胃  
導引膀胱破除胸痞凡惡心嘔噦酒食停積兩脇膨悶  
咽嗑不利上氣喘嗽者悉皆治之

枳實

白朮

半夏

南星

桔礬

葶藶

大黃

青皮

木香

各三錢

黑丑

二兩

皂角

酥炙

旋覆花

各一兩

右為末姜汁為丸梧子大每服五十九丸姜湯下婦人乾  
血氣膈實腫滿二便不通姜葱湯下

葶藶散

治肺癰胸滿喘咳或身面浮腫

葶藶

右炒黃為末先用黑棗十枚濃煎去棗調末三錢食

後服

半夏溫肺湯

治心腹中皖痰水冷氣心下汪洋嘈雜時

常多唾口中清水自出腹脇急脹痛不欲食此胃氣虛  
冷所致其脉沉弦細遲

旋覆花

人參

細辛

桂心

甘草

陳皮

桔梗

白芍藥

半夏

各五分

赤茯苓

三分



右姜水煎食後服

二陳湯

溫中化痰丸

清氣化痰丸

方俱見痰証條

五苓散

方見中暑條

大青龍湯

方見傷寒條

小青龍湯

方見喘証條

瓜蒂散

即獨聖方見中風條

參蘇飲

方見感寒條

小半夏湯

方見嘔逆條

枳朮丸

方見內傷條

十棗湯

方見痞滿條

新增

加減二陳湯

治清痰留飲

陳皮

八分

茯苓

八分

半夏

八分

黃連

炒六分

葛根

七分

猪苓

八分

澤瀉

八分

厚朴

七分

白朮

一錢

南星

七分

藿香

七分

砂仁

炒五分

生姜引



哮喘證第四十

哮喘者喉中氣促如拽鋸之有聲非若喘以氣息而言也丹溪曰哮喘必用薄滋味專主於痰宜大吐須帶表散亦有虛而不可吐者其體實之人用紫金丹二十九丸吐去其痰體虛之人止服二三丸則不吐臨發時用此劫之一法用二陳湯加蒼朮黃芩煎成下小胃丹體虛者亦當忌然此證所因不同有水哮喘者乃幼年時被水停畜於肺積久為痰宜金沸草散小青龍湯倍防已或葶藶散導水丸有寒熱者麻黃湯加桔梗紫蘇半夏黃芩有風痰者干縉湯或法製鷄子大凡治哮喘病宜忌燥藥亦不宜純用涼藥欲拔



病根必斷厚味然後服清金扶正氣之劑如定喘湯黃芩利膈丸是也遇厚味復發者清金丸久不得睡者兜鈴丸貓頭散用者擇焉

紫金丹 哮喘病三年後方可用此

精猪肉二十兩切作骰子塊以明淨信一兩研極細拌在肉上務要調勻分作六分以紙筋黃泥包之火烘泥乾另用白灰火在無人處煨盡青烟取放地上一宿研為末湯浸蒸餅丸菉豆大壯實者二十九丸虛弱人二三丸食前茶湯下小兒量虛實用之

法製鷄子

鷄子一枚頂上擊破一些不可傷膜浸尿缸內四晝夜取起煮食甚効蓋鷄子能去風痰故也

定喘湯

諸病從來俱有方惟是哮喘病難當麻黃桑杏尋蘇子白果冬花佐使良甘草黃芩同半夏水煎百沸不須忙世間那有神仙藥除是蓬萊定喘湯

黃芩利膈丸 除胸中熱利膈上痰

生黃芩

炒黃芩 各一兩

半夏

黃連

澤瀉 各五錢

南星

枳殼

陳皮 各三錢

白朮 二錢



白礬 一錢

一方加蘿蔔子五錢牙皂一錢

右為末湯浸蒸餅丸梧子大每服五十九白湯下忌酒  
麩魚腥熱毒物

清金丸 哮喘遇厚味發

蘿蔔子 半升

右蒸熟晒乾為末姜汁浸蒸餅丸梧子大每服二三十  
丸津液或淡姜湯一口食後送下

兜鈴丸 男婦久患咳嗽肺氣喘促倚息不得睡臥齁齁  
咳嗽亦効

馬兜鈴

杏仁 去皮尖

蟬退 各二兩

信 六錢煨過

右為末棗肉丸梧子大每服六七丸臨臥葱茶放冷送  
下忌熱物半日

猫頭散

猫頭骨燒灰研細酒調三二錢一服立止

二陳湯

小胃丹

干縉湯 方俱見  
痰証條

金沸草散 方見感  
傷條

小青龍湯 方見  
喘條

葶棗散 方見五  
飲條

導水丸 方見中  
暑條

麻黃湯 方見傷  
寒條

一方治哮喘用綠豆一合信一錢砂鍋內水煮豆爛為度  
研為糊焙乾再研為末神麩糊丸麻子大大人三十九



小兒十五丸七歲以下六七丸冷茶臨臥送下忌熱物  
一日神効

一方治哮喘用苧麻根和砂糖水煮時時嚼嚥下永絕病  
根神効

一方治哮喘用信八分豆豉一兩研成膏土碗內以艾燒  
烟薰後入生硃砂末一錢為丸麻子大每服二十九臨  
臥冷茶下忌熱物一日雖患十年者一服減半數服頓  
愈

新增

加味散邪定喘湯

陳皮 七分

茯苓 七分

半夏 八分

貝母 去心七分

瓜蒌仁 八分

南星 八分

枳殼 炒四分

片黃芩 炒六分

白朮 八分

桔梗 八分

葶藶 炒搗碎七分

杏仁 七分去皮尖

麥門冬 去心七分

羚羊角 五分

甘草 五分

冬花 五分

蘇子 四分

桑白皮 四分

生姜引



喘證第四十一

喘者上氣急促出而不納也受病之原不同治療之法亦異有肺虛挾寒而喘者氣促身涼痰冷如水法當溫補宜官桂阿膠之類是也有水氣乘肺而喘者胸中必漣漣有聲怔忡浮腫法當逐水利小便宜小青龍湯葶藶散白前湯五苓散之類是也有憂驚氣鬱肺脹而喘者必悶悶惕惕引息鼻張法當寬中下氣宜四七湯桔梗湯分氣柴蘇飲四磨湯之類是也有陰虛而喘者氣從臍下起直衝清道而上法當降火補陰宜知母茯苓湯之類是也有氣虛而喘者氣息不能接續法當滋補宜人參麥門冬地骨皮



及蜜炙黃栢之類是也。有因痰而喘者，喉中必有痰聲。法當消痰降氣，宜香附、南星丸、蘿蔔子丸、風痰千緡湯，或合導痰湯、痰氣蘇子降氣湯、四磨湯、食積濕痰二母散、神保丸、大蘿皂丸之類是也。有氣急而喘者，呼吸急促而無痰聲，法當降氣，宜分氣柴蘇散之類是也。有胃虛而喘者，則氣上逆，抬肩擷肚喘而不休，法當溫胃消痰，宜生脉散，加杏仁、陳皮、白朮，或理中湯加糊椒之類是也。有火炎上而喘者，乃胃中有實火，膈上有稠痰，得食則痰隨食墜，喘即少止。又而食到胃中助火升痰，喘反大作，法當降火清金，宜導痰湯加芩、連、山、梔、杏仁、瓜、婁，如不應，用導水丸之類是也。

也有氣實之人，過服黃耆而喘者，法當瀉氣，宜三物湯之類是也。凡此皆喘之節目，原夫喘之爲病，非風寒則痰火，雖火極至甚，必不可純用苦寒藥。若久病發喘，必是肺虛，宜阿膠、人參、五味子之類以補之。久嗽而喘，則鬱熱在肺，又不可用參。新病肺實而喘，宜桑白皮、葶藶、麻黃、杏仁之類以瀉之。此喘之虛實，又近宜分別也。凡喘之暴作，以攻邪發散爲先，喘定之後，方可補養。久病喘嗽未發之前，當扶正氣。已發之際，宜專攻邪。若補其既發其喘，益甚矣。此治喘之先後宜分別也。若喘之不已，宜權用小蘿皂丸定息餅子、含奇丸定喘化痰散之類，或以椒目研極細，每用

者登是岡  
卷之四  
喘正



喘 渴寒

生姜湯調一二錢以却止之喘定之後因痰治痰因火治火可也若喘作時無痰喘愈後反吐痰者蓋發時因痰閉塞不出而為喘當於發時開其痰路用枳殼前胡杏仁紫蘇瓜婁仁引出其痰俟喘過後却調其虛實補用參耆歸朮瀉用沉香滾痰丸之類是也至於喘嗽遇天寒則發內外皆寒脉沉而遲宜用東垣參蘇温胃湯調中益氣湯加吳茱萸及丹溪紫金丹以劫去其痰若內熱而外寒發喘脉沉數者謂之寒包熱宜用仲景越婢加半夏湯若預於八九月間未寒之時用大承氣湯先下其熱至冬寒時無熱可作其喘自然不發也華陀云盛而為喘減而為枯活

鼓脹 水腫 喘

人書云發喘者氣有餘也夫盛而喘者非肺氣盛也氣有餘者非真氣餘也太過即是不及若肺氣果盛則清肅下行而不喘矣惟其火入於肺故似盛而衰似有餘而不足必瀉之以苦寒之劑非瀉氣也乃瀉肺中之火實所以補肺也其下痰定喘之劑施之於形實有痰者固為神効若喘而不得臥其脉浮按之虛而澁者為陰虛去死不遠下之必死惟宜四物湯加童便竹瀝青黛麥門冬五味子枳殼蘇葉徐徐治之如鼓脹水腫之證必先作喘又不當與常喘同治王節齋曰喘與脹二證相因必皆小便不利但要識得標本先後先喘後脹者主於肺蓋肺受邪而上喘則



傷寒  
喘

失降下之令故小便漸短以致水溢皮膚而生腫滿焉此則喘爲本而腫爲標治當清金降氣爲主而行水次之脾土受傷不能制水水濕妄行浸漬肌肉邪反侵肺則肺氣不得降而生喘矣此則腫爲本而喘爲標治當實脾行水爲主而清金次之苟肺證而用燥脾之藥則金得燥而喘愈加脾病而用清金之藥則脾得寒而脹愈甚矣此則鼓脹而喘當分標本而治也若夫治脹治腫詳見本條傷寒之喘惟太陽陽明與水停心下者有之其法不過發表攻下行水而已凡喘至於汗出如油則爲肺喘而汗出發潤則爲脉絕若邪氣內盛正氣欲絕氣壅上逆而喘兼之直視譫語脉促或伏手足厥逆乃陰陽相背爲死證宜五味子湯以和之不愈則反陰丹理中湯其庶幾云六經之喘載在本集不復贅

小青龍湯 治傷寒表不解因心下有水飲與寒相搏氣逆乾嘔發熱而咳或喘或噎或渴或大便利或小便不利脇痛腹滿等證蓋寒邪在表宜桂枝甘草辛甘以散之水停心下而不行則腎燥宜乾姜半夏細辛之辛行水氣而潤腎咳逆而喘肺氣逆也宜芍藥五味子之酸以收肺氣此方發汗所以散邪火斂肺所以固真水若證變不一隨宜加減



桂枝

麻黃

白芍藥

乾姜 各二錢

細辛 一錢

半夏 一錢五分

五味子

甘草 各五分

右先煎麻黃數沸去沫入各藥併煎服

加減法

若微利去麻黃加芫花以溪水火熬各赤色不利者不可攻其表必有脹滿麻黃者升陽水漬於胃必作利芫花下十水水去利則止名小青龍加芫花湯

若渴者去半夏加瓜婁根蓋辛燥而苦潤半夏能燥津液故去之瓜婁根苦而生津液故加之名小青龍去半

夏加瓜婁根湯若噎者去麻黃加炮附子一枚經云水得寒氣冷必相搏其人卽噎加附子者溫散寒水也若病人有寒復發汗胃中冷必吐衄去麻黃不使發汗也名小青龍去麻黃加附子湯

若小水不利必腹滿去麻黃加茯苓一錢因下焦蓄水不行故小腹滿麻黃能發津液所以不宜用加茯苓以洩水名小青龍去麻黃加茯苓湯

若喘者去麻黃加杏仁一錢爲其人形腫故不用麻黃而用杏仁以治形腫水氣之標名小青龍去麻黃加杏仁湯



或疑小青龍湯與小柴胡湯證皆嘔而發熱表裏之證  
大槩彷彿何二方寒熱不同蓋傷寒熱未盛而飲水停  
畜非青龍之姜桂不能解散傷寒邪熱傳半表半裏非  
小柴胡之柴苓無以清解故二方證治同而用藥異也  
葶藶散 治過食煎炒及酒以致喘急不得臥及肺癰等

甜葶藶

瓜婁仁

薏苡仁

桑白皮

升麻

葛根

桔梗 各一錢

甘草 五分

右姜水煎溫服

白前湯 治飭逆喘促及水腫短氣脹滿晝夜不得臥

中常作水鳴聲

白前

紫苑

半夏 各三兩

大戟 五錢

右水十盞浸一宿次日煎至三盞分三服忌羊肉

分氣紫蘇飲 脾胃不和氣逆喘促

五味子

桑白皮

白茯苓

甘草

草果仁

大腹皮

橘紅

桔梗 各四分

紫蘇 二錢五分

右姜水入鹽少許煎服

四磨湯 治七情鬱結上氣喘急



人參

栝榔

沉香

烏藥 等分

右水煎

香附南星丸 治痰喘

香附 一兩

南星 製

半夏 製

杏仁 去皮尖

瓜婁仁

橘紅

皂角灰

蘿蔔子 各三兩

右爲末神麩糊丸梧子大每服七十九丸姜湯一口僅送下咽

二母散 治遠年近日喘嗽兼治痰喘

知母

貝母 各二錢

巴豆 一粒取霜

右爲末每服二分五釐以生姜三片臨臥細嚼白湯服訖卽閉口而睡喘嗽自定如利下以粥補之

大蘿皂丸 治氣喘風痰食痰酒痰麩毒等證

南星

半夏

杏仁

瓜婁仁

香附

青黛

陳皮 各五錢

蘿蔔子 二兩

皂角 燒灰一兩

右爲末神麩糊丸梧子大每服六十九丸姜湯下

小蘿皂丸 治喘神効

蘿蔔子 蒸二兩

皂角 燒灰五錢

南星 白礬水浸



瓜婁仁

海粉 各一兩

右為極細末姜汁和蜜搗勻丸噙化

定息餅子 治新久喘嗽

皂角三莢去黑皮餅子每子空內入巴豆肉一粒用麻  
縛定以生姜自然汁和蜜調塗慢火炙乾又塗又炙以  
焦黃為度去巴豆又入枯礬一兩草麻子七粒如前縛  
定塗炙數次剖去草麻與礬以皂角研為末又以杏仁  
二兩研膏與皂角和勻每服一錢將柿餅炙過候冷蘸  
藥細嚼臨臥服忌一切熱毒之物

含奇丸 治喘嗽

葶藶

知母

貝母 各一兩

右為極細末棗肉砂糖搗丸龍眼大每服綿裹一丸口  
含徐徐嚥下

定喘化痰散 治喘神効

猪蹄甲四十九個每個人半夏白礬各一錢填實置罐  
內密封火煨勿令烟出去火毒烟為末入麝一錢和勻  
如上氣喘急糯米飲調下一錢小兒五分

參蘇温肺湯 治形寒飲冷則傷肺喘煩心胸滿短氣不  
能宣暢

人參

肉桂

甘草



木香

五味子

陳皮

半夏

制末

桑白皮

白朮

紫蘇莖葉

各五分

白茯苓

二分五厘

右姜水煎食後溫服如冬寒加不去節麻黃五釐先煎去沫下諸藥

越婢加半夏湯

治內熱而為外寒所包以致發喘其脉

沉數者

麻黃

六兩

石膏

八兩

生姜

三兩

大棗

十五枚

甘草

一兩

半夏

八兩

右以水六升先煮麻黃去沫入諸藥煮取三升分三次

溫服

返陰丹

治陰毒心煩頭痛肢冷面青腹脹脉伏及氣虛

陽脫無脉不省人事傷寒陰厥

硫黃

五兩

大陰玄精石

硝石

各二兩三味各另研

附子

炮去皮臍

乾姜

炮

桂心

各五錢

右前味各自研末後三味共為末用鉄鈔先舖玄精石一半次舖硝石一半中舖硫黃末又舖所剩硝石再舖所剩玄精石以小鉄盞合着用炭三斤周圍堆燒勿令烟出急取瓦盆覆蓋地上四面灰蓋候冷取出再研極細與後三味相合糊丸梧子大每服三十九丸艾湯頓下



汗出為度

玉苓散

導水丸

方俱見中暑條

枳梗湯

方見痞滿條

知母茯苓湯

方見咳嗽條

干縉湯

四七湯

導痰湯

沉香丸

即王隱君滾痰丸

蘇子降氣湯

方俱見痰証條

三抑湯

理中丸

即理中湯作丸方見中寒

神保丸

方見內傷條

生脉散

方見注夏條

調中益氣湯

方見脾胃條

紫金丹

方見哮喘條

大承氣湯

方見傷寒條

四物湯

方見中風條

五味子湯

方見厥証條

紅綠散

劫喘之藥

好銅綠

研細

琥丹

少許炒紫色

右為末每服五分醋調空心服

蘇陳九寶湯

治老幼素有喘急遇寒暄不常發則連綿

不已咳嗽哮喘夜不得睡

桑白皮

甘草

大腹皮

官桂

麻黃

薄荷

陳皮

紫蘇

杏仁

等分

右每服二錢生姜烏梅水煎

人參潤肺湯

治肺氣不足喘嗽不已并傷寒壯熱頭疼

身痛

人參

乾葛

桔梗

白芷

麻黃

去節

乾姜

各八分



白朮

炙甘草 各一錢六分

右姜葱煎服

神秘湯 治上氣喘急不得臥倒

橘紅

桔梗

紫蘇

五味子

人參 各八分

右水煎食後服

人參理肺散 治喘不止

麻黃

去節炒黃

木香

當歸

各八分

人參

一錢五分

杏仁

麩炒

罌粟殼

炒各二錢四分

右水煎

紫參散

形寒飲冷傷肺喘促痰涎不得安臥

麻黃

桔梗

五味子

甘草

炙

紫參

各一錢二分

罌粟殼

二錢四分

右水煎食後服

桑蟲沙丸

治遠年喘急

桑木蛀蟲糞

一升炒

杏仁

不去皮尖炒

蘿蔔子

炒各五合

甘草

生一兩

右爲細末湯浸蒸丸梧子大每服七十九淡姜湯下

參桃丸

治肺虛發喘氣促

揀參

一寸

核桃仁

二個不去皮



右加姜五片棗二枚水煎食後臨臥服蓋人參定喘帶  
皮核桃仁斂收神効

### 定喘湯

和劑須投定喘湯阿膠半夏及麻黃人參四兩同甘草  
四兩桑皮五味強粟殼二錢須蜜炙三錢煎服用生姜  
多年氣喘從今愈始信醫家有妙方

### 蟲證第四十二

人之臟腑本屬潔淨因飲食不節或過食腥膾炙燔而至  
成積積久生熱濕熱相生乃生諸般奇異之蟲各從五行  
之氣而化其名有九一曰伏蟲長四寸許爲諸蟲之長二  
曰蛔蟲長尺許生聚日多胃心卽能殺人三曰白蟲長一  
寸俗呼爲寸白蟲母子相生母蟲長至三四丈者不治四  
曰肉蟲狀如爛杏食人臟腑令人煩悶五曰肺蟲其狀如  
蠶令人咳嗽六曰蝟蟲狀如蝦蟇令人嘔吐欬逆嘈雜愛  
吃泥炭生米茶鹽姜椒七曰弱蟲又名膈蟲狀如瓜瓣令  
人多吐八曰赤蟲狀如生肉令人腸鳴九曰蟻蟲狀如菜



蟲形至微細居廣腸之中多則爲痔劇則爲癩各蟲俱能  
殺人惟肺蟲爲急居於肺葉之內蝕人肺系故成瘵疾咯  
血聲嘶藥所不到治之爲難傷寒變證之中腸中有熱無  
食三蟲不得自安蟲食其肛下唇生瘡謂之曰狐又謂之  
蠶蟲蝕其喉或食其臍上唇生瘡其聲卽啞謂之曰惑此  
皆臟腑自生之蟲元氣若實不爲大害稍有虛損遂能侵  
蝕傷寒而至狐惑乘其氣之衰也故凡有蟲者至暮年蟲  
乃爲之楚也若夫飲食之間誤吞諸毒蟲所遺子以致生  
蟲者其爲患更甚欲驗腹中有蟲之證眼眶鼻下青黑而  
色痿黃臉上有蠟爪紋血系幾條或隱隱有白點者卽其  
候也心腹腰脇痛時作時止者亦蟲也蟲從大便而下爲  
順從口鼻出者爲逆丹溪云濕熱生蟲臟腑虛則侵蝕上  
半月蟲頭向上易治下半月蟲頭向下難治虞天民謂月  
字當作日字道藏經載諸蟲頭皆向下行惟初一之後初  
五之前頭向上行竊謂治之法必當以香餌引其回頭而  
後用藥但不當與患者說明蓋蟲居臟腑借人之靈以爲  
靈若與說明卽居膏肓之間知所避也但凡蟲證之脉  
流實者生虛大者死蠶蝕其肛脉虛小者生勁急者死只  
脉沉而滑者爲寸白蟲蟲脉當沉弱而弦及洪大者蛔蟲  
甚也治蟲各方附繫於左用者擇焉



安蟲散 治蟲動心痛

胡粉 炒黃

檳榔

川練子

鶴虱草 各三錢

枯白礬 一錢五分

右為末每服五六分痛時米飲調下

化蟲丸

鶴虱草

檳榔

胡粉 炒

苦練樹根 向東行不出土者各一兩

明白礬 燒二錢二分

右為細末米糊為丸梧子大一歲兒服五丸不能吞者以米飲化開入生麻油三四點服其蟲細小者化水大者自下

消蟲丸

硫黃 一兩

木香 五錢

蜜陀僧

附子 一枚炮乾為末

右先以附子末醋一盞慢火熬為膏餘藥為細末和勻丸菘豆大每服二十九丸荆芥湯或茶清下

茱萸根湯 治白蟲食肝

茱萸根 東引者一錢

火麻子 八錢

陳皮 一兩五錢

右水煎服或下蟲或下黃汁甚有效驗但不與人說是去蟲藥否則不効

千金散 治蟻蟲生於腎中



貫衆 三兩炒

乾漆 三兩炒烟盡

蕪荑

胡粉

槐白皮 各一兩

吳茱萸 五十粒

杏仁 四十五粒  
去皮尖炒

右為細末平旦以井花水調服一匙病好藥止

五鳳丸 治長蟲在肝令人恐畏不安眼中赤壅

烏鷄卵 五枚去黃

吳茱萸根 東引者切三升 黃蠟 三兩

乾漆 四兩炒烟盡

粳米粉 半斤

右將吳茱萸根乾漆研為極細末和鷄卵青黃蠟粳米粉丸菉豆大不食晚飯次早以米飲下五十九丸蟲爛盡大人加藥至一百二十九丸止

去虱蟲方

酸石榴根 東引者切二升 栝榔 十個細切

右以水十碗煮至三碗去渣入粳米煮粥空腹食之蟲即死

栝榔丸 小兒疳病積氣塊痛腹大有蟲

栝榔 一兩 三稜 細切醋炒

莪茂 細切醋炒

青皮 去穰麩炒黃 陳皮 去白

史君子肉

雷丸 乾漆 炒烟盡

麥蘖麩 炒

神麩 炒黃色各五錢 鶴虱 畧炒

甘草 炙各三錢

蕪荑 二錢五分 木香 不見火

良姜 陳壁土炒 各二錢



砂仁 去殼一錢

胡黃連 三兩炒

右為細末醋米糊丸棗豆大每服三二十九空心淡姜湯下

蕪荑散 治蟲動口內流涎

白蕪荑

乾漆 炒烟盡 各等分

右為末每服五六分米飲下

桃仁湯 傷寒失汗變成狐惑唇上生瘡聲啞名曰濕心

桃仁

槐子

艾 各五錢

棗二枚

右用水二鍾煎一鍾分二服

黃連犀角湯 狐惑病

犀角

黃連 各三錢

烏梅 三個

木香 一錢

右水煎服

雄黃蛻散 狐惑上下唇瘡聲啞蟲食其臟及肛門

雄黃

青葙子

苦參

黃連 各三錢

桃仁 十粒

右為末以青艾汁和勻捻作小指大綿裹納穀道中

前胡湯 治身熱內有白蟲在脾令人好嘔而胸中咳唾不出



前胡

白朮

赤茯苓

細辛

杏仁

去皮尖另研

草龍胆

常山

各一錢

枳實

松蘿 各七分

旋覆花

五分

竹葉

七片

右水煎去渣溫服腹中熱滿悶加芒硝山梔黃芩苦參各五分忌桃李雀肉醋生葱菜

五膈下氣丸

肺勞熱有蟲令人欬逆氣喘形容瘦損

麥門冬

五兩

川椒

炒去汗一兩

遠志肉

附子

乾生姜

炙甘草

細辛

人參

百部

白朮

黃耆

各七錢五分

杏仁

去皮尖及雙仁者二十四粒

桂心

一錢五分

右為細末煉蜜丸彈子大每服一丸徐徐嚙化忌豬肉冷水海藻生葱桃李雀肉等物

寸白蟲三方

一方榧子食二斤許蟲從大便下盡

一方以鷄子炒白蠟陳酒糊丸服

一方以黑鉛炒成灰槌榔蕪荑等分為末和勻米飲調

下

新增

者登是罔

卷之四 蟲言

八



加減犀角瀉心湯 治男子婦人狐惑口唇上下生瘡喉  
音不出食其經絡五臟

雄黃 一兩五錢

檳榔 一兩五錢

犀角 四錢

鶴虱 一兩

蕪荑 一兩

苦練子 二兩去核

黃連 炒七錢

貫衆 炒一兩

白蠟 一兩

大黃 酒蒸一兩

乾漆 炒烟盡八錢

右爲細末粳米糊爲丸每服三十九漸加至四十五丸  
以利爲度

積聚第四十三

積者陰氣也五臟所主其脉伏沉或左或右其發有根痛有

定處臟之所屬各有其名肝曰肥氣在左脇下如覆盂有

頭足久不愈令人發咳逆痰瘧連歲不已心曰伏梁起臍

下大如臂上至心下久不愈令人病煩心脾曰痞氣在胃

腕覆如盤久不愈令人四肢不收發黃疸飲食不爲肌膚

肺曰息賁在右脇下覆如大盂久不愈令人洒淅寒熱喘

咳發肺癰腎曰奔豚發於小腹上至心下若豚狀或上或

下無時久不已令人喘逆骨痿少氣凡此五者由於外感

內傷及七情氣鬱所致或過用補劑留之以成積也潔古



曰壯人無積虛人則有之皆因脾胃怯弱氣血兩衰所致  
四時有感皆能成積聚者陽氣也六腑所主其脉沉結或  
隱或見其發無根痛無常處故亦無名大抵積之初發爲  
寒痰食積死血相結而成宜辛溫消導用大七氣湯烏白  
丸大小溫中丸退黃丸阿魏撞氣丸久則爲熱宜辛寒推  
蕩用木香檳榔丸通玄二八丹硝石丸通用募積丹生漆  
膏有蟲者妙應丸舊有肥氣等丸方增損五積丸用之亦  
可也聚則止宜散聚湯七氣湯香稜丸大阿魏丸加參大  
安丸而已丹溪曰塊乃有形之物痰與食積死血而成也  
在中爲痰飲在左爲血塊在右爲食積故治左以破血爲

主用海石丸或當歸龍會丸料五錢桃仁姜黃末各一兩  
以蜜爲丸服治右以調氣爲主用青皮湯木香分氣丸有  
積者消積正元散紅丸子小阿魏丸或當歸龍會丸保和  
丸俱加斑鳩糞治中以消痰爲主石礮丸白芥丸然積之  
爲病陽虛易治陰虛則難峻補止宜早於滋補藥中加鱉  
甲龜板秋石或服枳朮丸大安丸或醋鱉丸漸消徐化可  
補則補可瀉則瀉寒者熱之結者散之客者除之留者行  
之堅者削之消之按之摩之鹹以軟之苦以瀉之全其真  
氣而補益之隨其所利而行之因其所惡而攻之以其所  
喜而誘之如山查阿魏治肉積香附枳實治食積石礮海



粉青礞石治痰積神麩麥芽治酒積水蛭蠅蟲瓦壠子治  
血積木香檳榔治氣積牽牛甘遂治水積雄黃白礬治蟲  
積乾姜巴豆治寒積黃連大黃治熱積草果山查治果積  
紫蘇治魚積雖各從其類然必以補中健脾為主若遽用  
大毒之劑峻攻積必不能除正氣受傷矣故曰養正積自  
除用藥而痞消至半即宜止其攻劑純養正氣其積自然  
消盡也倘誤用姜附熱藥或乾漆硃砂牽牛大黃之類雖  
得暫快益損陰血且藥過依然氣愈消而積愈大竟何益  
哉若用寒涼亦所不宜潔古曰若治積者當先補虛使血  
氣壯積自消如滿座皆君子則小人自無容身地也丹溪

曰攻擊之藥有病則病受之病邪輕而藥力重則胃氣受  
傷矣歷觀醫案潔古惟以補虛為主丹溪則補虛兼磨積  
先哲之矜式不可不知也至於婦人有形之癥在左引背  
而痛無形之癥在右或有或無或上或下皆當以消血為  
主小兒之積在左在右在中皆當以傷食為治又豈可拘  
泥於一哉

大七氣湯 治積聚

三稜

莪朮

青皮

陳皮

桔梗

藿香

益智仁 各一錢

甘草 七分五厘

香附 一錢五分



右姜棗水煎

烏白丸 治酒積消食化痰

烏梅

生姜 各一斤

白礬

半夏 各八兩搗勻用新瓦夾定火焙三日夜 神麴 四兩

麥芽

陳皮 各二兩

青皮

莪朮

丁皮

大腹子

枳殼 各一兩

右為末酒糊丸梧子大每服五十九丸姜湯下  
退黃丸

青礬二兩鍋內溶化入陳黃米四升用醋拌勻慢火炒烟盡為度加入平胃散六兩同炒拌須去火毒共為末

醋糊丸梧子大每服七十九丸空心臨臥陳米湯下忌糯  
朮油膩生冷硬物如治水腫合五苓散一料同炒如前  
法製丸

通玄二八丹 治積聚止濕痢除拘急之妙藥

黃連 八兩

白芍藥

當歸

生地黄

烏梅 各五錢

右為末用雄猪肚一個入藥於內以線縫之將韭菜二斤先鋪甑上而以猪肚放在韭菜上鍋內用水蒸之湯乾再添候極爛取出入石臼搗丸梧子大每服七十九丸姜湯下若瀉一二次以粥補住



硝石丸 治癥瘕痞塊當先下此藥不宜輕用須量人虛實卽硝石大黃丸也

硝石 一兩

大黃 四兩

人參

甘草 各一兩

右各另爲末用陳醋十斤置磁器內先下大黃慢火熬不住時攪醋退十分之三乃下餘藥熬至可丸則丸如梧子大每服三十九米飲下當利如鷄肝米泔惡物下後忌風冷

纂積丹 治一切積證嘔吐吞酸胸膈痞悶或爲癥瘕或泄或秘脾胃怯弱飲食不消腹脹而黃四肢酸疼無力

甚則爲疸爲腫流爲瘡癰痿痺等證

平胃散一料爲主

氣積無形加木香檳榔青皮陳皮沉香蘿蔔子香附爲佐樟樹皮少許甚者以巴豆炒諸藥黃色去巴豆不用血積有形加三稜莪茂牛膝川芎當歸尾鱉甲紅花瓦壠子桃仁乳沒之類甚者又將芫花煮以製煎藥酒積加葛花黃連砂仁麥芽陳皮木香猪苓澤瀉車前子之類果積加草果山查香附烏藥枳殼菖蒲少許魚積加紫蘇甚者加青礬拌炒諸藥須先炒藥熱而後入礬肉積加山查阿魏



飯積加麥芽穀芽神麩枳實

水積加半夏茯苓葶藶澤瀉浮腫加商陸汁爲糊或只用青礬炒藥不傷元氣爲妙

痰積加海粉礞石半夏白礬風化硝

寒積加乾姜巴豆良姜茴香丁香白豆蔻益智仁菖蒲少許

熱積久積加黃連黃栢大黃滑石

氣弱者通加人參

瀉者加肉豆蔻

有蟲者用苦練根皮一斤皂角十片以水一碗熬膏搜

和前藥爲丸先用沉香爲衣後用雷丸木香爲衣每十丸四更時分砂糖水下尋常醋糊丸梧子大每服三五丸空心米飲下

生漆膏 治男婦痞塊神効

阿魏 一兩

生漆 濾過

木耳 各四兩

蜂蜜 六兩

右和勻入錫罐內密封罐口置鍋內水煮三炷香取起候冷每服二茶匙食遠燒酒調下日用三次忌油膩發毒物

妙應丸 治山嵐瘴氣傳屍癆瘵水腫癰疾咳嗽黃疸噎



膈腸風痔漏一切風氣食積疼痛瘡癩熱痰痞塊赤眼  
口瘡女人經脉不調血痕血閉赤白帶下小兒顛癇一  
切疳積蟲積

檳榔 十一兩

黑牽牛 三兩

大黃

雷丸

錫灰

蕪荑

木香

史君子 各一兩

右為末葱白煎湯露一宿為丸粟米大每四錢五更葱  
湯或木香煎湯下若以之取寸白蟲用東引石榴根煎  
湯向東服之小兒服一錢或五分天明取下病根或蟲  
或如爛魚腸或如馬尾蝦蟇小蛇諸般怪物或小便取

小青黃紅白或米泔等色大凡腹中之蟲皆因飲食中  
所感而成此藥不比巴霜甘遂礮砂等劑不動真氣有  
蟲取蟲有積取積有氣取氣有塊取塊一服見効凡人  
面上白斑唇紅能食心嘈顏色不常臉上生有蟬爪路  
者便有蟲也此丸四時可服孕婦禁用

肥氣丸 治肝積在左如覆杯

厚朴 五錢

黃連 七錢

柴胡 一兩

川椒 炒去汗四錢

巴豆 壓去油心膜五分

川烏頭 去皮一錢二分

乾姜 炮五分

白茯苓 去皮

皂角 去皮弦子火煨

廣茂 炮各一錢五分

甘草 炙三錢

人參



昆布 各二錢五分

右除茯苓皂角巴豆霜外餘藥俱為極細末另研茯苓  
皂角為極細末又另研巴豆霜旋添入和勻煉蜜丸相  
子大初服一丸一日加一丸至大便微澹再從兩丸服  
起周而復始俱淡酸湯下積消大半即止勿服秋冬加  
厚朴共一兩減黃連止用五錢五分若強風癩於一料  
中加人參茯苓神菖蒲各三錢黃連照春夏用  
伏梁丸 治心積臍上一條至心下如臂

黃連 一兩五錢

厚朴

人參 各五錢

黃芩 用黃色三錢 乾姜 炮

川烏頭 炮去皮

巴豆霜

菖蒲 各五錢

紅豆 二分

桂 去皮

茯苓 去皮木

丹參 炒各一錢

右除巴豆霜另研別藥俱為細末製法俱如前淡黃連  
湯下秋冬加厚朴共一兩減黃連只用一兩去黃芩不  
用

痞氣丸 治脾積在胃脘如覆盤

厚朴 四錢五分

黃連 八錢

吳茱萸 湯洗三錢

黃芩

白朮 各二錢

白茯苓 去皮

澤瀉

人參 各一錢

茵陳 酒製炒

乾姜 炮

砂仁 去皮各一錢

川烏頭 炮製去皮



川椒

炒去汗各五分

巴豆霜

桂

去皮各四分

右除巴豆霜另研各藥俱為細末製法服如前淡甘草湯下秋冬加厚朴共一兩減黃連用七錢黃疸并積火不能退一料中加巴豆霜一分附子炮一錢砒少許

厚朴 八錢

黃連 炒一兩二錢

乾姜

白茯苓 一錢

川椒 炒去汗

紫苑 去苗各一錢五分

人參 二錢

桂 去皮

川烏頭 炮製去皮

桔梗

白豆蔻

陳皮

京三稜 炮

天門冬 各一錢

巴豆霜 四錢另研

青皮 五分

右為末入巴豆霜和勻製服如前法淡生姜湯下秋冬加厚朴共一兩三錢減黃連只用六錢

奔豚丸 治腎積發於小腹上至心下若豚狀下上無時及男子七疝女人癥瘕帶下

厚朴 七錢

黃連 炒五錢

白茯苓 去皮

澤瀉

菖蒲 各二錢

苦練 酒煮三錢

玄胡索 一錢五分

全蝎

附子 去皮

獨活 各一錢

川烏頭 炮去皮

丁香 各五分

巴豆霜 四分另研

肉桂 去皮二分



右製法服法俱如前淡塩湯下秋冬加厚朴共一兩二錢如積大服前藥不減於一料內加燒存性牡蠣三錢疝瘕帶下不用此味

增積五積丸 治積塊不拘臍上下左右通用

黃連 肝積五錢脾積七錢心肺積一兩五錢 川烏 肝肺積一錢心腎脾積五分 厚朴 肝心脾積五錢腎積八錢

乾姜 肝心積五分肺腎積一錢五分 莪茂 三稜 各一二兩醋煮

青皮 陳皮 各五兩 胡椒 一兩

阿魏 一兩 乾姜 二兩

右爲末陳米粉糊丸梧子大礬紅爲衣每百丸生姜甘草煎湯下

小阿魏丸 治肉積但脾胃虛者須用補脾藥煎湯下切不可獨用阿魏恐有虛虛之禍

山查 二兩 黃連 一兩三錢 連翹 一兩

右爲末用阿魏二兩醋煮作糊爲丸梧子大每服三十丸白湯下

石鱗丸 治痰飲成積

半夏 一兩用皂角水浸透曬乾 山查 三兩 石鱗 三錢

右爲末粥糊丸梧子大每服三十九丸白湯下

白芥丸 治男婦食積死血痰積成塊在兩脇動作腹鳴

嘈雜眩暈身熱時作時止

者登是國 卷之四 積聚



白芥子

蘿蔔子

各一兩五錢

山梔

川芎

三稜

莪茂

桃仁

香附

山查

神麴

各一兩

黃連

一兩五錢一半用吳茱萸水炒一半用益智仁水炒

青皮

五錢

紅花

五靈脂

香附

瓦礫子

石礬 各五錢

右為末醋糊丸梧子大每服三十九白朮煎湯下

青皮湯 進食健脾消積化聚

青皮

莪茂

三稜 各七錢

陳皮

神麴 各五分

玄胡索 三分

右姜水煎

加減法

痞滿加炒黃連

三分

有鬱加山梔仁

五分

少食加山查麥芽

各二分

婦人加香附一錢五分川芎八分紅花木香各一分

消積正元散

白朮

一錢

白茯苓

陳皮

青皮

砂仁

麥芽

山查

甘草

各七分

神麴

香附

枳實

玄胡索



海粉

右姜水煎如上焦火鬱加酒炒芩連下焦火鬱加炒梔  
栢冷氣作痛加沉香木香磨水服

紅丸子 治脾胃虛冷飲食失節聚留腸胃

當歸 二兩

三稜 醋煮

蓬朮 醋煮

陳皮 去白

青皮 去穰各五兩

乾姜 炮

胡椒 各二兩

右為末醋糊丸桐子大礬紅為衣每服三十九食後姜  
湯下

香稜丸 治五積六聚氣塊

三稜

檳榔 各六兩

青皮

陳皮

莪茂

枳殼

枳實

蘿蔔子

香附子 各三兩

山查 四兩

黃連

神麩

麥芽

鱉甲

乾漆

桃仁

硃砂

砂仁

歸尾

木香

甘草 各一兩

右為末醋煮麩糊為丸梧子大每服三五十九白湯下  
大阿魏丸 治諸般積聚

南星

半夏

山查



神麴

麥芽

黃連

各一兩

連翹

阿魏

瓜婁仁

貝母

各五錢

風化硝

石鱗

白芥子

胡黃連

各二錢五分

蘿蔔子

一兩蒸

右為末姜汁浸蒸餅為丸梧子大每服三十九丸白湯下

海石丸

治痰與食積死血成塊

海石

三稜

莪茂

人參

肝脾肺積二錢心積五分

白茯苓

一錢五分

巴豆霜

五分

右為末蜜丸梧子大初服一九漸加至微澹又從一九

服起

加減法

肝積加柴胡一兩皂角昆布各二錢五分川椒四錢莪

朮二錢心積加黃芩三錢肉桂茯苓丹參各一錢菖蒲

五分

肺積加桔梗三稜天門冬青皮陳皮白豆蔻各一錢紫

苑川椒各一錢五分

脾積加吳茱萸砂仁黃芩各二錢澤瀉茵陳各一錢川

椒五分

腎積加玄胡索三錢苦練肉全蝎附子獨活各一錢澤

瀉菖蒲各二錢肉桂三分丁香五分



秋冬加厚朴一倍黃芩減半覺熱加黃連覺悶亂加肉桂氣短減厚朴虛人不可直攻以蠟為衣乃可久留磨積其肉酒痰等積如纂積丹例加減

散聚湯 治六聚狀如癥瘕隨氣上下發作有時心腹絞痛攻刺脘脇小腹臙脹大小便不利

杏仁

桂心

陳皮 各一錢

附子

吳茱萸

白茯苓

枳殼

川芎

厚朴

甘草 各五分

檳榔

半夏 各三分

右為末湯浸蒸餅為丸梧子大每服三四十九丸淡姜湯

下

醋鱉丸 治癥癖

鱉甲 醋炙

訶子皮

乾姜

右等分為末醋糊丸梧子大每服三十九丸空心白湯下

大溫中丸

小溫中丸

方俱見黃疸條

阿魏撞氣丸

方見心胃痛條

木香檳榔丸

大安丸

保和丸

枳木丸

方俱見內傷條

七氣湯

方見痞滿條

當歸龍會丸

方見顛狂條

木香分氣丸

方見脾胃條

加減痞氣丸

治左脇積孟秋合

厚朴 一錢

黃芩 酒製

黃連 酒製

雜方

者登是綱

卷之四 積聚

九十三



益智仁

附子 各三分

半夏 五分

吳茱萸

青皮

歸尾

白茯苓

澤瀉

神麴 炒

廣茂

昆布

橘紅

熟地黄

人參

巴豆霜

葛根

甘草 炙各二分

紅花 五厘

右為細末蒸餅為丸梧子大服法如肥氣丸淡甘草湯下

加減息賁丸

治右脇積仲夏合

川烏頭 炮去皮

紫苑

桔梗

白豆蔻 各一錢

乾姜 炮

陳皮

川椒 炙去皮

白茯苓

京三稜

天門冬 各一錢五分

人參 二錢

厚朴 八分

黃連 一兩三錢

桂枝 三錢

巴豆霜 四分

青皮 七分

紅花 少許

右為末湯浸蒸餅丸梧子大服如肥氣丸法食前生姜湯下

和胃湯

治左脇有塊胃氣太傷先用此湯滋養陰血以

補胃氣方用消塊藥

人參 三錢

白朮 一錢五分

陳皮 一錢



白芍藥

歸身

各五分

乾葛 三分

甘草

紅花

少許

右水煎下保和丸三十五粒龍會丸十五粒

神効助化散 治男婦腹中痞塊不拘氣血食積所成俱

宜服此方之妙不可盡述

扁畜

大麥芽

各五錢

神麴

二錢五分

沉香

木香

各一錢五分

瞿麥穗

甘草

各五分

大黃

二兩

右為細末淨取足數合勻男用甘草淡竹葉二味等分煎湯三分加酒七分調服女用紅花燈心當歸等分煎

湯亦加酒調服忌油膩動氣之物及房事一月藥須黃

昏服大小便見惡物為効此方神効昔人秘而不傳者

聖散子 治遠年積塊及婦人乾血氣

大黃

八兩

礪砂

六錢

麥芽

各六兩

乾漆

燒過

扁畜

茴香

炒

枳榔

各一兩

右為細末小兒用一錢十五以上者三錢温酒調臨睡

服服後仰睡使藥久在膈上天明大便下如魚腸小便

赤為驗不傷臟腑卓有神効婦人乾血氣加炮穿山甲

二兩



丹溪二妙黃連丸 治食積死血痰積成塊在兩脇動作腹

鳴嘈雜眩暈身熱時作時止

黃連 用茱萸益智仁同炒止用黃連 蘿蔔子 炒各一兩 山梔 炒

川芎 神麴 桃仁 去皮

三稜 醋煮 蓬茂 醋煮各五錢 香附 童便浸

山查 各一兩

右為末麴糊丸梧子大每服三十九白湯下一方有青皮五錢炒白芥子一兩五錢

東垣 廣茂潰堅湯 治內有積塊堅硬如石坐臥不寧上氣喘促或遍身虛腫

厚朴 姜製 黃芩 黃連

益智仁 草豆 當歸 各五分

半夏 七分 廣茂 升麻

紅花 吳茱萸 各二分 生甘草

柴胡 澤瀉 神麴 炒

青皮 陳皮 各三分 渴加葛根 四分

右水煎一服之後中滿減半積尚未消服後方半夏厚朴湯 治同前證

紅花 蘇木 各五分 吳茱萸

乾生姜 黃連 各一分 木香



青皮 各二分

肉桂

蒼朮

白茯苓

澤瀉

柴胡

陳皮

生黃芩

草豆蔻仁

生甘草 各三分

三稜

歸稍

猪苓

升麻 各四分

神麴 六分

厚朴 八分

半夏 一錢

桃仁 七粒

昆布 少許

如渴加葛根

右水煎服二貼後前證又減半却從廣茂潰堅湯加減服之

礞砂煎丸 消積磨塊一切凝滯

黑附子

二枚炮去皮  
臍作瓮子

礞砂

用水一盞徐徐化開  
納在瓮內火上熬乾

木香

各三錢

草撥

破故紙

隔紙微炒  
各一兩

右將飛過礞砂末入附子瓮內用原剉附子末蓋口面  
裹煨黃色收出同木香等三味為細末却用原裹附子  
煨麩為末醋調煮糊為丸梧子大每服十五丸至三十  
丸生姜湯送下此藥累有奇効

茶癖三方

一方

石膏

黃芩

升麻 各等分

右為末沙糖水調服



一方

白朮

軟石膏

片苓

各三錢

牛膽南星

白芍藥 各二錢

薄荷

圓葉大者一錢

右為末沙糖調作膏食後津液化下

一方

用川椒為末麩糊丸梧子大每服十九茶湯下

攻堅敗毒膏

此即通州靖佳寺每兩賣銀三錢者別名

乾坤一無膏貼痞固神貼痔漏諸瘡與赤白帶尤妙

當歸

木鱉肉

兩頭尖

赤芍藥

白芍藥

白芷

生地黄

熟地黄

穿山甲

巴豆仁

草麻子

京三稜

蓬莪茂

五靈脂

續斷

官桂

玄參

各一兩

以上十七味用麻油四十兩浸三日入銅鍋用桑柴文武火熬至藥枯黑濾淨油每兩用法炒過黃丹五錢油還鍋內徐徐下丹文火熬至丹發青烟起此時全仗眼力待油泡忽無紅色撥鍋離火不住手攪溫入

乳香

沒藥

各一兩

真阿魏

一兩五錢三味研細

膏大溫方入麝香

二錢研細



右成膏作餅收貯用時以錫罐隔湯頓化攤貼忌火烘致減麝氣

三聖膏 專貼痞

石灰 羅細十兩 大黃 錦紋者佳一兩 官桂 五錢

右以石灰炒紅入好醋熬成膏大黃官桂為細末入灰內攪勻瓦器封貯用時紙上攤火烘熱貼

三白膏 治痞

白鴿糞 一兩 白芷 三兩 白歛

硫黃 木鱉子 各一兩

右為細末用麪水調成膏傳患處

一丹溪方貼積聚用大黃朴硝各一兩為細末大蒜搗膏貼患處

一方治脇下有塊其硬如石以杉木節一升橘葉一升無葉

用樹皮 大腹枳榔七個相合搗碎童便三碗煮取碗半分

二服若一服得力停止後藥

一方治癥堅如痛欲死取蒴藿根一小束洗淨細劈以酒

二升浸三宿溫服五合一日二服如欲速以瓶在熱灰

中煨令藥味出服之神効

一方治腹中塊以猪腰子二個切作薄片木鱉子肉一兩

亦切作薄片與腰子相間而疊縛定外以濕紙包裹火



內煨熟取出研如泥入黃連末爲丸梧子大初服二十丸烏梅甘草湯下二服二十五丸三服三十九丸加至以痛爲度大便利其塊自消大有神効

一方治痞結年久已成龜鱉等形用老君鬚一味春夏採莖葉秋冬採根不拘多少以好生酒一罐入鯽魚二尾同藥煮魚熟爲度先吃魚次飲酒次早驗大小便見有形跡卽是藥効如不應連服三五次追至無物乃止妙不可言

右水煎

新增

加減健脾磨積丸

山查肉 一兩

白芍藥 炒一兩

三稜 一兩五錢

蓬朮 一兩

陳皮 一兩五錢

半夏 一兩二錢

茯苓 一兩二錢

青皮 二兩醋炒

白朮 二兩

蒼朮 炒一兩五錢

柴胡 八錢

枳實 炒八錢

大麥芽 一兩炒

神麴 一兩炒

香附子 一兩炒

黃連 一兩酒炒

蒸餅丸每服五六十九白湯下



諸證提綱卷之四終





諸證提綱卷之四終

